

四庫全書

子部

# 欽定四庫全書

子部

證治準繩卷四十一

詳校官太醫院院使臣張肇基

編修臣倉聖脈覆勘

總校官進士臣朱鈴

校對官中書臣吳俊

謄錄監生臣葛魏錫

欽定四庫全書

證治準繩卷四十一

明 王肯堂 撰

傷寒

太陽病

發熱 惡寒 惡風 頭痛 強項 身體痛

黃經曰太陽之為病頭項強痛而惡風寒不傳經者固  
有之然而傳者多矣如經言傷寒一日太陽受之脉若

靜者為不傳頗欲吐及煩燥脉數急者為傳也又曰傷寒二三日陽明少陽證不見者為不傳也太陽經治法有汗吐下溫和解調併刺俱有之蓋太陽所感非一傳變多端故也雖發汗解肌一法證有輕重脉有浮沈用藥必宜隨脉證用之庶造仲景之深意如發熱惡寒脉浮緊麻黃湯自汗惡風脉浮緩桂枝湯此脉證相應之定法也又如項背強几几反汗出惡風桂枝加葛根脉微而惡寒桂枝麻黃各半湯發熱惡寒熱多寒少脉微

弱者桂枝二越婢一湯脉浮緊自汗出小便數心煩微惡寒脚攣急桂枝加附子湯又如汗後復宜汗者發汗遂漏不止惡風小便難四肢微急難以屈伸桂枝加附子湯服桂枝大汗出脉洪大者與桂枝如前法若如瘡狀日再發宜桂枝二麻黃一湯仲景汗劑二十七湯所治五十九證大宜精別如何而用青龍湯如何而用五苓散如何而用茯苓甘草湯之類蓋病有輕重治有急緩故也清碧杜先生曰傷寒陽熱之證傳經之邪變態

不一辨之不精則汗吐下三法之治一差死生反掌矣  
非比陰寒之邪中在一經不復傳變易於治也不過隨  
寒邪輕重用溫藥治之一定之法耳今之庸工好用熱  
劑而不知涼藥之妙且難也

汗

桂枝湯

桂枝加葛根湯

桂枝加厚朴杏子湯

桂枝加附子湯

桂枝去芍藥湯

桂枝去芍

藥加附子湯

桂枝麻黃各半湯

桂枝二越婢

一湯 桂枝二麻黃一湯 桂枝去桂加茯苓白

朮湯 葛根湯 葛根加半夏湯 葛根黃連黃

芩湯 麻黃湯 大青龍湯 小青龍湯 桂枝

加芍藥人參新加湯 麻黃杏仁甘草石膏湯

五苓散 桂枝去芍藥加蜀漆龍骨牡蠣救逆湯

桂枝加桂湯 桂枝甘草龍骨牡蠣湯 桂枝

附子湯 茯苓甘草湯 文蛤散 去桂加白朮

湯 甘草附子湯

吐

梔子豉湯 梔子甘草豉湯 梔子生薑豉湯

梔子厚朴湯 梔子乾薑湯 瓜蒂散

下

調胃承氣湯 大柴胡湯 承氣湯 柴胡加芒

硝湯 桃仁承氣湯 抵當丸 大陷胃湯 抵

當湯 大陷胃丸 白散十棗湯 大黃黃連瀉

心湯 附子瀉心湯



溫

甘草乾薑湯 芍藥甘草湯 四逆湯 乾薑附

子湯 茯苓桂枝甘草大棗湯 厚朴生薑甘草

半夏人參湯 茯苓桂枝白朮甘草湯 芍藥甘

草附子湯 茯苓四逆湯 桂枝甘草湯 真武

湯 小建中湯 炙甘草湯

和解

小柴胡湯 柴胡加龍骨牡蠣湯 小陷胸湯

柴胡桂枝乾薑湯 半夏瀉心湯 生薑瀉心湯

甘草瀉心湯 柴胡桂枝湯 桂枝人參湯

白虎湯 白虎加人參湯 黃芩湯 黃芩加半

夏生薑湯

調

赤石脂禹餘糧湯 旅復代赭石湯 黃連湯

刺

縱橫刺期門 服桂枝刺風池風府 太少併病

刺期門 熱入血室刺期門 太少併病刺大根

肺俞 太陽之為病脉浮頭項強痛而惡寒

成經曰尺

寸俱浮者太陽受病太陽主表為諸陽主氣脉浮頭項強痛而惡寒者太陽表病也。但有一毫頭

痛即為在表

太陽病發熱汗出惡風脉緩者名為中

風

太陽病上條所揭云云者是也後皆倣此。成風陽也寒陰也風則傷衛發熱汗出惡風者衛

中風也榮病則發熱無汗不惡風而惡寒衛病則發熱汗出不惡寒而惡風以衛為陽衛外者也病則不能衛固其外而皮腠疎故汗出而惡風也傷寒脉緊傷風脉緩者寒性勁急而風性解緩故也

太陽病頭痛發熱汗出惡風者桂枝湯主之

太陽病發熱汗出者此為榮弱衛強故使汗出欲

救邪風者宜桂枝湯

成太陽中風風併於衛則衛實而榮虛榮者陰也衛者陽

也發熱汗出陰弱陽強也內經曰陰虛者陽必湊之故少氣時熱而汗出與桂枝湯解散風邪調和

榮衛

太陽中風陽浮而陰弱陽浮者熱自發陰弱

者汗自出嗇嗇惡寒淅淅惡風翕翕發熱鼻鳴乾

嘔者桂枝湯主之

成陽以候衛陰以候榮陽脉浮者衛中風也陰脉弱者榮氣弱

也風并於衛則衛實而榮虛故發熱汗自出也經曰太陽病發熱汗出者此為榮弱衛強者是也嗇嗇者不足也惡寒之貌也淅淅者灑淅也惡風之貌也衛虛則惡風榮虛則惡寒榮弱衛強惡寒復

惡風者以自汗出則皮膚緩理疎是亦惡風也翕翕者煊煊然而熱也若合羽所復言熱在表也鼻鳴乾嘔者風擁而氣道也與桂枝湯和榮衛而散風邪也

病人藏無他病時

發熱自汗出而不愈者此衛氣不和也先其時發

汗則愈宜桂枝湯主之

時發熱自汗出謂有時而發熱自汗出有時而止惟

其時作時止故病留連而不愈也當其發熱自汗之時不可與藥當先其時作候其時止而後與之故曰先其時也素問曰當其盛而必毀因其衰也事必大昌其是之謂歟

## 桂枝湯方

桂枝

三兩  
去皮

芍藥

三兩

甘草

二兩  
炙

生薑

三兩  
切

大棗

十二枚擘

右五味咬咀以水柒升微火煮取三升去滓適寒溫服一升服已須臾歡熱稀粥一升餘以助藥力溫覆令一時許徧身熱熱微似有汗者益佳不可令如水流漓病必不除若一服汗出病差停後服不必盡劑若不汗更服依前法又不汗後服小促其間半日許令三服盡若病重者一日一夜服周時觀之服一劑盡病證猶在者更作服若汗不出乃服至二三劑禁生冷粘滑肉麵五

辛酒酪鼻惡等物

小促宋板  
作少從容

成經云桂枝本為解肌若脉浮緊發熱汗不出者不可與之常須識此勿令誤也蓋桂枝湯本專主太陽中風必也皮膚疎湊又自汗風邪干於衛氣者乃可投之也仲景以解肌為輕以發汗為重故發汗吐下後身疼不休者津液內耗也雖有表邪而止可解肌故須桂枝湯少和之也桂味辛熱用之為君桂猶主也宣導諸藥為之先聘是謂辛甘發散為陽之意蓋

發散風邪必以辛為主內經所謂風淫所勝平以辛  
佐以苦以甘緩之以酸收之是以芍藥為臣而甘草  
為佐也內經曰風淫於內以甘緩之以辛散之生薑  
味辛溫大棗味甘溫是用以為使而此又不特專於  
發散以脾主為胃行其津液薑棗之用專行脾之津  
液而和榮衛者也麻黃湯不用薑棗者謂專於發汗  
不待行化而津液得通矣

龐凡桂枝湯病證者常自汗出小便不數手足溫和



或手足指稍露之則微冷覆之則溫渾身熱微煩而  
又憎寒始可行之若病者無汗小便數或手足逆身  
冷不惡寒反惡熱或飲酒後慎不可行桂枝湯也脉  
緊必無汗設有汗不可誤作桂枝證

許有人病發熱惡寒自汗脉微弱而浮三服湯而愈  
此方在仲景一百十三方內獨冠其首今人全不用  
何也仲景云太陽中風陽浮而陰弱陽浮者云云至  
翕翕發熱宜桂枝湯此脉與證仲景說得甚明後人

看不透所以不敢用也 假令寸口脉微名曰陽不足陰氣上入陽中則灑淅惡寒也尺脉弱名曰陰不足陽氣下陷入陰中則發汗也此謂元氣受病而然也又曰陽微則惡寒陰微則發熱醫既汗之使陽氣微又大下之令陰氣弱此謂醫所使也大抵陰不足陽往從之故內陷而發熱陽不足陰往乘之故陰上入陽中則惡寒舉此二端明白易曉何憚而不用桂枝湯哉

垣仲景治表虛製此湯桂枝味辛熱發散助陽體輕  
本乎天者親上故桂枝為君芍藥甘草佐之如陽脉  
濇陰脉弦法當脫中急痛乃製小建中湯以芍藥為  
君桂枝甘草佐之一則治其表虛一則治其裏虛故  
各有主用也後學當觸類而長之以桂枝易肉桂  
治寒腹痛神品藥也如夏中熱腹疼少加黃芩去桂痛  
立止桂於春夏二時為禁藥

陶桂枝麻黃湯為當時傷寒設與過時之溫暑者何

預焉若以此二湯通治春溫夏暍之病則誤之甚矣

太陽病或已發熱或未發熱必惡寒體痛嘔逆脉陰陽

俱緊者名曰傷寒

成經曰凡傷於寒則為病熱為寒氣客於經中陽經怫結而成熱也中風

即發熱者風為陽也及傷寒云或已發熱或未發熱以寒為陰邪不能即熱鬱而方變熱也風則傷衛寒則傷榮衛虛者惡風榮虛者惡寒榮傷寒者必惡寒也氣病者則脉血病者則痛風令氣緩寒令氣逆體痛嘔逆者榮中寒也經曰脉盛身寒得之傷脉陰陽俱緊者知其傷寒也○但見惡寒即為在表此是要訣

太

陽病頭痛發熱身疼腰痛骨節疼痛惡風無汗而喘者

麻黃湯主之

成寒則傷榮頭痛身疼腰痛以至牽連骨節疼痛者太陽經榮血不利也內經曰風

寒客於人使人毫毛畢直皮膚閉而為熱者寒在表也  
風并於衛衛實而榮虛者自汗出而惡風寒也寒并於  
榮榮實而衛虛者無汗而惡風也以榮強  
衛弱故氣逆而喘與麻黃湯以發其汗

### 麻黃湯方

麻黃

三兩  
去節

桂枝

二兩  
去皮

甘草

一兩  
炙

杏仁

七十  
個泡

去皮  
尖

右四味以水九升先煮麻黃減二升去上沫內諸藥煮  
取二升半去滓溫服八合覆取微似汗不須啜粥餘如

桂枝法

○凡用麻黃去節先浸醋湯畧浸片時撈起以  
筒後用庶免太發如冬月嚴寒膝理緻密生用

一曰麻黃後汗出不止者將病人髮浸水盆中足  
露出外用炒糯米一升龍骨牡蠣藁本防風各一兩  
研為細末周身撲之隨後祕方用藥免至亡陽而死  
此良法也吳或云發汗必用麻黃亦有禁用者何也  
凡傷寒發於天令寒冷之時且其寒邪在表閉其腠  
理身疼拘急惡寒而無汗者須用麻黃辛苦之藥為  
能開發腠理逐寒邪汗出而解也惟夏月炎暑之時  
為禁用之藥故宜辛涼之劑以發之乃葛根蔥白豆

豉之類是成本草言輕可去實即麻黃葛根之屬實  
謂寒邪在表汗不出而腠密邪氣勝而表實輕劑所  
以揚之麻黃味甘苦用以為君者以麻黃為輕劑而  
專主發散也風邪在表而膚理疎者必以桂枝解其  
肌今寒邪在經表實而腠密非桂枝所能獨散必專  
麻黃以發汗而桂枝所以為臣也內經曰寒淫於內  
治以甘熱佐以辛苦者茲是類歟內經曰肝若急急  
食甘以緩之肝者榮之主也傷寒榮勝衛固血脉不

流必用味甘之物以緩之故以甘草味甘平杏仁味苦溫為之佐使且桂枝湯主中風風則傷衛風邪併於衛則衛實而榮弱仲景所謂汗出惡風者此為榮弱衛強故桂枝湯佐以芍藥用和榮也麻黃湯主傷寒寒則傷榮邪併於榮則榮實而衛虛內經所謂氣之所併為血虛血之所併為氣虛者是矣故麻黃湯佐以杏仁用利氣也

太陽中風脉浮緊發熱惡寒身疼痛不汗出而煩躁者



大青龍湯主之若脉微弱汗出惡風者不可服服之則

厥逆筋惕肉瞤此為逆也

成此中風見寒脉也浮則為風風則傷衛緊則為寒寒則

傷榮榮衛俱病故發熱惡寒身疼痛也風并於衛者為榮弱衛強寒并於榮者為榮強衛弱今風寒兩傷則榮衛俱實故不汗出而煩躁也與大青龍湯發汗以除榮衛風寒若脉微弱汗出惡風者為榮衛俱虛反服青龍湯則必亡陽故生厥逆筋惕肉瞤此治之逆也

傷寒脉浮緩身不疼但重乍

有輕時無少陰證者大青龍湯發之

成此傷寒見風脉也傷寒者身疼此

以風勝故身不疼中風者身重此以兼風故乍有輕時不發厥吐利無少陰裏證者為風寒外甚也與大青龍湯以發散

表中風寒

大青龍湯方

麻黃

六兩  
去節

桂枝

二兩  
去皮

甘草

二兩  
炙

杏仁

四十  
枚  
去

皮  
尖

生薑

三兩  
切

大棗

十二  
枚  
擘

石膏

雞子  
大  
碎

右七味以水九升先煮麻黃減二升去上沫內諸藥煮取三升去滓溫服一升取微似汗汗出多者溫粉粉之一服汗者停後服若復服汗多亡陽遂一作逆虛惡風煩躁不得眠也

成青龍東方甲乙木神也應春而主肝專發生之令

為敷榮之主萬物出甲開則有兩岐肝有兩葉以應之謂之青龍者以發散榮衛兩傷之邪是應肝木之體耳桂枝湯主中風麻黃湯主傷寒中風脉浮緊為中風見寒脉傷寒脉浮緩為傷寒見風脉是風寒兩傷也風兼寒寒兼風雖欲與桂枝湯解肌以祛風而不能已其寒或欲以麻黃湯發汗以散寒而不能去其風茲仲景所以特處青龍湯而兩解也麻黃味甘溫桂枝味辛熱寒則傷榮必以甘緩之風則傷衛必

以辛散之此風寒兩傷榮衛俱病故以甘辛相合而為發散之劑表虛膚腠疎則以桂枝為主此為表實腠理密者則以麻黃為主是先麻黃為君後桂枝為臣也甘草味甘平杏仁味甘苦甘為助佐麻黃以發表大棗甘溫生薑味辛溫辛甘相合佐桂枝以解肌風陽邪寒陰邪風則傷陽寒則傷陰榮衛陰陽為風寒兩傷則非輕劑可獨除散也必須輕重之劑以同散之乃得陰陽之邪俱已榮衛之氣俱和是以石

膏味苦辛微寒質重而又專達肌表為使也大青龍  
發汗之重劑用之稍過則有亡陽之失經曰若脉微  
弱汗出惡風者不可服服之則厥逆筋惕肉瞤此為  
逆也又曰一服汗者停後服若再服汗多亡陽遂致  
惡風煩躁不得眠也用者宜詳審之

吳大青龍湯仲景治傷寒發熱惡寒煩躁者則用之  
夫傷寒邪氣在表不得汗出其人煩躁不安身心無  
如之奈何如脉浮緊或浮數者急用此湯發汗則愈

乃仲景之妙法也譬若亢熱已極一雨而涼其理可見也若不曉此理見其躁熱投以寒涼之藥其害豈勝言哉若脉不浮緊而數無惡風惡寒身疼者亦不可用之也如誤用之其害亦不淺也所以脉證不明者多不敢用也

許仲景治傷寒一則桂枝二則麻黃三則青龍桂枝治中風麻黃治傷寒青龍治中風見寒脉傷寒見風脉三者如鼎立人皆能言之而不曉前人處方用藥

之意故醫遂多不用無足怪也且脉緩而浮者中風也故嗇嗇惡風淅淅惡寒翕翕發熱仲景以桂枝對之脉浮緊而濇者傷寒也故頭痛發熱身疼腰痛骨節疼痛惡寒無汗而喘仲景以麻黃對之至於中風脉浮緊傷寒脉浮緩仲景皆以青龍對之何也予嘗深究三旨若證候與脉相對無不應手而愈何以言之風傷衛衛氣也寒傷榮榮血也榮行脉中衛行脉外風傷衛則風邪于陽陽氣不固發越而為汗是以

自汗是表虛故仲景用桂枝以發其邪芍藥以和其血蓋中風則病在脉之外其病稍輕雖同曰發汗特解肌之藥耳故仲景於桂枝證云今半身熱熱微似有汗不可如水淋漓病必不除是知中風不可大發汗汗過則反動榮血邪氣乘虛襲之故病不除也寒傷榮則寒邪入陰血而榮行脉中者也寒邪居脉中非特榮受病邪自內作則併與衛氣犯之久則浸淫及骨是以汗不出而熱齒乾而煩冤仲景以麻黃發



其汗又以桂枝甘草助其發散欲滌除內外之邪榮  
衛之病耳大抵二藥皆發汗以桂枝則發其衛之邪  
麻黃并榮與衛治之亦自有淺深也何以驗之仲景  
桂枝第十九證云病當自汗出者此為榮氣和榮氣  
和者外不諧以衛氣不共榮氣諧和故爾以榮行脉  
中衛行脉外復發其汗榮衛和則愈宜桂枝湯又四  
十七證云發熱汗出此為榮弱衛強故使汗出者欲  
救邪風宜桂枝湯是知中風汗出者榮和而衛不和

又第一卷云寸口脉浮而緊浮則為風緊則為寒風則傷衛寒則傷榮榮衛俱病骨節煩疼當發其汗是知傷寒浮緊者榮衛俱病也麻黃湯中并用桂枝此仲景之言也至於青龍雖治傷風見寒脉傷寒見風脉之病然仲景又云汗出惡風者不可服之服之厥逆便有筋惕肉瞤之證故青龍一證尤難用藥須是形證諦當然後可行故王實夫證止用桂枝麻黃各半湯治之蓋慎之也

陶熱盛而煩手足自溫脉浮而緊此傷風見寒脉也  
不煩少熱四肢微厥脉浮而緩此傷寒見風脉也二  
者為榮衛俱病法宜大青龍湯但此湯險峻須風寒  
俱甚又加煩躁乃可與之不如桂枝麻黃各半湯為  
穩尤不若九味羌活湯加石膏知母枳殼也

溫粉方

白朮

藁本

川芎

白芷

各等分

右研為細末每末一兩入米粉三兩和勻撲周身止

汗若汗過多恐亡陽遂厥逆惡風煩躁不得眠故宜  
以此粉止之

太陽病項背強几几反汗出惡風者桂枝加葛根湯主

之按詩豳風狼跋云赤舄几几注云几几綯貌綯謂拘  
著鳥屨頭為行戒狀如刀衣鼻在屨頭言拘者取自  
拘持使低目不妄顧視按此可以想見項背拘強之狀  
若作鳥羽釋則几當音殊而於拘強之義反不切矣後  
證葛根湯者乃桂枝湯中加麻黃葛根也其證無汗故  
以麻黃發之此證有汗故去麻黃而曰桂枝加葛根湯  
也若有麻黃則亦葛根湯矣成氏不  
當設疑於注以眩後學故辨之也

桂枝葛根湯方

葛根

兩四

芍藥

兩二

甘草

兩二

生薑

切三兩

桂枝

二兩  
去皮

大棗

十二  
枚擘

右七味以水一斗煮取三升滓溫服一升

太陽病項背強几几無汗惡風葛根湯主之

葛根湯方

葛根

兩四

麻黃

去節三兩

桂

去皮二兩

芍藥

切二兩

甘

草

炙二兩

生薑

切三兩

大棗

十二  
枚擘

右七味以水一斗先煮麻黃葛根減二升去沫

內諸藥煮取三升去滓溫服一升覆取微似汗不須啜粥餘如桂枝法將息及禁忌

本草云輕可去實麻黃葛根之屬是也此以中風表實故加二物於桂枝湯中也

太陽病得之八九日如瘧狀發熱惡寒熱多寒少其人不嘔清便欲自可一日二三度發脉微緩者為欲愈也脉微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必痒宜桂枝麻黃各半湯

成傷寒八九日則邪傳再經又編三陽欲傳二陰之時也傳經

次第則三日傳偏三陽至四日陽去入陰不入陰者為欲解其傳陰經第六日傳偏三陰為傳經盡而當解其不解傳為再經者至九日又偏三陽陽不傳陰則解如瘡發作有時也寒多者為病進熱多者為病退經曰厥少熱多其病為愈寒多熱少陽氣退故為進也今雖發熱惡寒而熱多寒少為陽氣進而邪氣少也裏不和者嘔而利今不嘔清便自調者裏和也寒熱間日發者邪氣深也日一發者邪氣復來本作有常也日再發者邪氣淺也日二三發者邪氣微也內經曰大則邪至小則平言邪甚則脉大邪小則脉微今日數多而脉微緩者是邪氣微緩也故云欲愈脉微而惡寒者表裏俱虛也故不可更發汗更下更吐也陰陽俱虛則面色青白反有熱色者表未解也熱色為赤色也得小汗則和不得汗則邪氣外散皮膚而為痒也與桂枝麻黃各半湯小發其汗以除表邪○首一節至寒少止為自初至今之證下文皆擬病防變之辭當分作三截看至欲愈也是

不須治至吐也是宜溫之至未是小汗之麻黃發桂枝止一發一止則汗不得大出矣

桂枝麻黃各半湯方

桂枝

一兩十六銖去皮

芍藥

生薑

切

甘草

炙

麻

黃

各一兩去節

大棗

四枚擘

杏仁

二十四枚湯浸去皮尖及雙仁者

右七味以水五升先煮麻黃一二沸去上沫內諸藥煮取一升八合去滓溫服六合

太陽病發熱惡寒熱多寒少脉微弱者此無陽也不可發汗宜桂枝二越婢一湯

前脉微緩面有熱色身痒以桂麻各半小汗之者猶未弱



也此微而加弱焉則又虛於前證矣雖小汗亦不宜故云不可發汗訣詞也然病在太陽表證未罷桂枝發散之藥終不可無但不令汗而已

# 桂枝二越婢一湯方

桂枝

去皮

芍藥

甘草

各七錢半

生薑

一兩二銖切

大

棗

四枚擘

麻黃

七錢半去節

石膏

一兩碎綿裹

右七味㕮咀以水五升先煮麻黃一二沸去上沫內

諸藥煮取二升去滓溫服一升本方當裁為越婢湯

桂枝湯合飲一升今合為一方桂枝二越婢一

胃為十二經之主脾治水穀為卑藏若脾內經曰脾主為胃行其津液是湯所以謂之越婢者以發越婢氣通行津液外臺方一名越脾湯即此義

凡仲景稱太陽病者皆表證發熱惡寒頭項強痛也若脉浮大則與證相應宜發汗今見表證而脉反微不與證應故不可發汗但用一二各半湯等和之可也

若太陽中暍發熱惡寒脉微弱手足逆冷而渴者白虎

加人參湯

方論見暑病

太陽病六七日表證仍在脉微而沈反不結胸其人發狂者以熱在下焦少腹當鞭滿小便自利者下血乃愈所以然者以太陽隨經瘀血在裏故也抵當湯主之

方論

見畜血

太陽病身黃脉沈結少腹鞭小便不利者為無

詳畜血

血也小便自利其人如狂者血證諦也亦抵當湯主之

凡仲景稱太陽證脉沈者皆謂發熱惡寒頭項強痛

而脉反沈也其證兼發狂小腹鞭者為畜血此條抵當湯是也

兼關節痛小便不利身黃者為濕痺

論見濕

兼卒口噤反張者為瘓若無汗惡寒名剛瘓宜葛根湯

若有汗不惡寒名柔瘓宜瓜蒌桂枝湯

詳雜病瘓門

病發熱頭痛脉反沈若不瘥身體疼痛當救其裏宜四

逆湯 少陰病始得之反發熱脉沈者麻黃附子細辛

湯主之

趙竊詳太陽病發熱頭痛法當脉浮今反沈少陰脉  
沈法當無熱今反熱仲景於此兩證各言反者謂反  
常也蓋太陽病脉似少陰少陰脉病似太陽所以皆  
謂之反而治之當異也今究其旨均是脉沈發熱以  
其有頭痛故為太陽病陽證當脉浮今反不能浮者  
以裏虛久寒正氣衰微所致又身體疼痛故宜救裏  
使正氣內復逼邪出外而乾薑生附子亦能出汗而  
解假使裏不虛寒則脉當見浮而正屬太陽麻黃證

也均是脉沈發熱以其無頭痛故名少陰病陰病當  
無熱今反熱則寒邪在表未傳於裏但以皮腠鬱閉  
為熱而在裏無熱故用麻黃細辛以發表間之熱附  
子以溫少陰之經假使寒邪入裏則外必無熱當見  
吐利厥逆等證而正屬少陰四逆湯也由此觀之表  
邪浮淺發熱之反猶輕正氣衰微脉沈之反為重此  
四逆湯不為不重於麻黃附子細辛湯也又可見熟  
附配麻黃發中有補生附配乾薑補中有發仲景之

旨微矣

麻黃附子細辛湯方

麻黃

二兩  
去節

細辛

二兩

附子

一枚炮去  
皮破八片

右三味以水一斗先煮麻黃減二升去上沫內藥煮  
取三升去滓溫服一升日再服

成內經曰寒淫於內治以甘熱佐以苦辛以辛潤之  
麻黃之甘以解少陰之寒細辛附子之辛以溫少陰  
之經

趙詳仲景發汗湯劑各分輕重不同如麻黃桂枝湯  
青龍各半越婢等湯各有差等至於少陰發汗二湯  
雖同用麻黃附子亦有加減輕重之別故以加細辛  
為重加甘草為輕辛散甘緩之義也其第一證以少  
陰本無熱今發熱故云反也蓋發熱為邪在表而當  
汗又兼脉沈屬陰而當溫故以附子溫經麻黃散寒  
而熱須汗解故加細辛是汗劑之重者第二證既無  
裏寒之可溫又無裏熱之可下求其所以用麻黃附



子之義則是脉亦沈方可名曰少陰病身亦發熱方  
行發汗藥又得之二三日病尚淺比之前證亦稍輕  
故不重言脉證而但曰微發汗所以去細辛加甘草  
是汗劑之輕者

凡仲景稱太陽病不惡寒者皆謂發熱頭項強痛脉  
浮而反不惡寒也其證兼渴者為溫病兼汗出者為

柔瘧

方論見溫  
病柔瘧

傷寒六七日發熱微惡寒支節煩疼微嘔心下支結外

證未去者柴胡加桂枝湯主之

成傷寒六七日邪當傳裏之時也支散也嘔而

心下結者裏證也法當攻裏發熱微惡寒支節煩疼為外證未去不可攻裏與柴胡桂枝湯以和解之○按支字訓散字未瑩支節支結復不同支節猶云枝節古字通也支結猶云支撐而結當活看不可拘泥文字若訓作散則不能結也南陽云外證未解心下妨悶者非痞也謂之支結

柴胡加桂枝湯方

桂枝

去皮

黃芩

人參

各一兩半

甘草

炙一兩

芍藥

生薑

切各一兩半

大棗

六枚

柴胡

四兩

半夏

二兩

半

右九味以水七升煮取三升去滓溫服

凡仲景稱表不解者皆謂太陽病發熱惡寒頭項強痛脈浮也蓋病雖屬太陽表證而有裏兼之者則不言太陽病但稱表不解也其兼心下支結者此條柴胡桂枝湯是也

兼心下有水氣乾嘔而欬者小青龍也

方論見欬

兼脇痛

手足溫而渴者小柴胡也 兼心下痞者先用桂枝解

表後以瀉心攻痞也

方論見痞

兼下利腹滿脹者先以四逆溫裏後以桂枝攻表也

方論

見下利

太陽病欲解時從巳至未解 太陽病未解脉陰陽俱

停必先振慄汗出而解但陽脉微者先汗出而解陰脉

微者下之而解若欲下之調胃承氣湯主之 太陽病

脉浮緊發熱身無汗自衄者愈

太陽外證未解不可下之下之為逆欲解外者宜桂枝

湯主之

經云本發汗而欲下之為逆也若先發汗治不為逆

海大小調胃三承氣湯必須脉浮頭痛惡風惡寒表證盡罷而反發熱惡熱譫語不大便方可用之若脉浮緊下之必結胸若脉浮緩下之必痞氣

許常記一親戚病傷寒身熱頭痛無汗大便不通已四五日予訊問之醫者治大黃朴硝等欲下之予曰子姑少待予為視之脉浮緩居密室中自稱甚惡風予曰表證如此唯大便不通數日腹且不脹別無所苦何遽便下之大抵仲景法須表證罷方可下不爾

則邪乘虛而入不為結胸則為熱利也予作桂枝麻黃各半湯繼以小柴胡熱熱汗出大便亦通而解

仲景云凡傷寒之病多從風寒得之始則表中風寒入裏則不消矣擬欲攻之當先表解乃可下之若表已解而內不消大滿大堅實有躁糞者自可除下之雖四五日不能為禍也若不宜下而便攻之內虛熱入為挾熱自利煩躁之變不可勝數輕者困篤重者必死矣 原本正文重疊予刪正此段其理甚明大

抵風寒入裏不消必有躁糞或大便堅祕須是脉不  
浮不惡風表證罷乃可下之大使雖四五日不通亦  
無害若不顧表而下遂為挾熱利也

右桂枝麻黃為長沙入手第一方而粗工以之殺人  
者往往而是故易水師弟以它藥代之不知者謂長  
沙有遺巧余謂此正易水師弟不及長沙處而婆心  
切矣中醫守之可以萬全今具撫為後賢表證治例  
及補養兼發散二條于後臨病之工宜詳玩焉

發熱

發熱者無休止時也寒熱者寒已而熱熱已而寒相繼而發也潮熱者有時熱有時止如

潮汛之不失其期也若發熱不惡寒而渴為溫病發汗已身體灼熱者為風溫若發熱手或微厥下利清穀此為陰證也失下血氣不通四肢逆冷却發熱此熱深厥亦深也頭痛發熱惡寒身不疼痛此傷食證也不惡寒身不痛知非傷寒頭不痛脉不緊知非裏實但煩熱者虛煩也

中風即發熱者風傷衛也傷寒不即發熱者寒傷榮也

經云傷寒一二日或已發熱或未發熱是也凡翕翕發

熱而有惡風惡寒頭痛脉浮者表熱也此由風寒客於皮

膚陽氣怫鬱所致宜汗之若小便黃非在外凡蒸蒸發



熱而兼有譫語大便秘小便赤腹滿惡熱脉滑實者裏熱也此由陽氣下陷入陰中所致宜下之若小便清非在內也其在少陰厥陰發熱者謂之反發熱惟太陰無發熱之候若脉陰陽俱盛熱不止者死下利發熱汗後復發熱脉躁疾不為汗衰狂言不能食陰陽不交者死

蘭臺治例曰邪在三陽太陽證多與潮熱若同而異

邪在三陰少陰證多與煩躁相類而非

發熱惡寒脉浮者屬表即太陽證也

方論見前  
太陽病條

發熱

汗出不惡寒反惡熱者屬裏即陽明證也

方論見自汗

發

熱脉弦細頭痛者屬半表半裏即少陽證也

論見口苦咽乾

發熱而嘔者小柴胡湯

論見嘔

發熱欬嗽表不解者小

青龍湯兼脇痛喜嘔者小柴胡加乾薑五味子湯

方論見後

發熱而喘表不解者小青龍去麻黃加杏仁湯兼胃

滿者麻黃湯

方論見喘

發熱口渴有屬表者有屬裏者治

法方論甚衆

並見渴門

發熱汗解半日許復煩躁脉浮數

大者可更發汗宜桂枝湯

詳煩

發汗後惡風寒者虛故

也不惡寒但惡熱者實也當和胃氣宜調胃承氣湯

經曰

汗出不惡寒者此表解其中裏未和與調胃承氣湯和胃氣

太陽病三日發汗不解蒸蒸發熱者屬胃也調胃承氣

湯主之

海大黃洩實芒硝軟堅甘草和中必躁實堅三證全者可用

調胃承氣湯方

大黃

一兩○海宜酒浸蓋邪氣居高非酒不到譬如物在高巔人跡所不及必射而取之故用

酒浸引上若生用苦洩峻下則遺高分之邪熱所以愈後或目赤或喉閉或頭腫肺上反生熱證矣

甘草

半兩炙○海甘以緩之

芒硝

九錢○海辛以潤之鹹以飲之

右呔咀水一盞煮大黃甘草至七分去滓入芒硝更上火微煮合沸少少溫服

成內經曰熱淫於內治以鹹寒佐以苦甘芒硝鹹寒以除熱大黃苦寒以蕩實甘草甘平助二物推陳而緩中

發熱汗出不解心下痞鞭嘔吐而利者大柴胡湯

論見痞

發汗後身灼熱脉浮汗出身重多眠鼻鼾者風溫

論見

風溫

發汗後仍發熱心悸頭眩身瞤動振振欲擗地者

宜真武湯

論見下利

汗出熱不去內拘急四肢疼下利厥

逆惡寒者宜四逆湯

論見下利

大汗出脉陰陽盛不解者

死

內經云溫病汗徹復熱而脉躁疾不為汗衰狂言不能食謂之陰陽交者必死也

太陽病先發汗不解而復下之脉浮者不愈浮為在外

而反下之故令不愈今脉浮故知在外當須解外則愈

桂枝湯主之 汗下後仍頭痛發熱心下滿小便不利

者桂枝去桂加茯苓白朮湯

論見結胃

大下後身熱不去

心中結痛者梔子豉湯主之

論見心痛

大下後身熱不去

微煩者梔子乾薑湯

寸論見煩

陽明病下之其外有熱手

足溫心中懊懣飢不能食但頭汗出者梔子豉湯

論見煩

太陽病當惡寒發熱今自汗出不惡寒發熱關上脉

細數者以醫吐之過也一二日吐之者腹中飢口不能

食三四日吐之者不喜糜粥欲食冷食朝食暮吐以醫

吐之所致也此為小逆

成惡寒發熱為太陽表病自汗出不惡寒發熱者陽明證本太

陽表病醫反吐之傷動胃氣表邪乘虛傳於陽明也以關脉細數知醫吐之所致病一二日為表邪尚寒而未

成熱吐之則表寒傳於胃中胃中虛寒故腹中飢而口不能食病三四日則表邪已傳成熱吐之則表熱乘虛入胃胃中虛熱故不喜糜粥欲食冷食朝食暮吐也朝食暮吐者晨食入胃胃虛不能尅化故停久而復吐出者知為醫誤吐之胃虛所致本太陽病吐小為逆以傳陽明故以為逆然陽明雖為入府猶是陽經故不為大逆而曰下逆也

瘥後更熱者小柴胡湯脉浮者以汗解脉沈者以下解

傷  
詳勞

傷寒脉浮滑此表有熱裏有寒白虎湯主之

前篇云熱結在裏表

裏俱熱者白虎湯主之又云其表不解不可與白虎湯此云脉浮滑表有熱裏有寒者必表裏字差矣又陽明

一證云脉浮遲表熱裏寒四逆湯主之又少陰一證云裏寒外熱通脉四逆湯主之以此見差明矣又陽明篇曰脉滑而疾者小承氣湯既用承氣是為裏熱也又厥陰篇曰脉滑而厥者裏有熱白虎湯主之是謂滑為裏熱明矣况知母石膏性皆大寒豈應以水濟水成氏隨文釋之非也

白虎湯方

知母

六兩

石膏

一斤

甘草

二兩

粳米

六合

右四味以水一斗煮米熟湯成去滓溫服一升日三服成白虎西方金神也應秋而歸肺熱甚於內者以寒下之熱甚於外者以涼解之其有中外俱熱內不得



世外不得發非是湯則不能解暑喝之氣得秋而止  
故曰處暑是湯以白虎名謂能止熱也內經曰熱淫  
所勝佐以苦甘又曰熱淫於內以苦發之欲徹表熱  
必以苦為主故以知母苦寒為君熱則傷氣寒以勝  
之甘以緩之熱勝其氣必以甘寒為助是以石膏甘  
寒為臣脾苦濕急食甘以緩之熱氣內餘消燂津液  
必以甘平之物緩其中故以甘草粳米為使是太陽  
中喝得此湯則頓除即熱見白虎而盡矣立秋後不

可服白虎為大寒劑秋時服之必為噦逆虛羸者多矣

垣身以前胃之經也胸胃肺之室也邪在陽明肺受火制故用辛寒以清肺所以號為白虎湯也

海夫傷寒表證發熱惡熱而渴與下雜證同但頭痛身熱目痛鼻乾不得卧白虎主之乃陽明經病也正陽陽明氣病脉洪大先無形也雜病裏證發熱惡熱而渴但目赤者病藏也手太陰氣不足不能管領陽

氣也宜以枸杞生地黄熟地黄之類主之脈洪大甚則嘔血先有形也 氣病在裏誤用血藥無傷也為安血而益陰也血病在裏誤用氣藥如白虎湯者非也為瀉肺而損陰也

垣辯誤服白虎變證 昔西臺掾葛君瑞二月中病傷寒發熱以白虎湯主之病者面黑如墨本證遂不復見脉沈細小便不禁東垣初不知也及診之曰此立夏以前誤服白虎白虎大寒非行經之藥止能寒

藏府不善用之則傷善氣本病曲隱於經絡之間或  
投以大熱之藥求以去陰邪他證必起非所以救白  
虎也可用溫藥升陽行經有難者曰白虎大寒非大  
熱何以救君之證奈何東垣曰病隱經絡間陽道不  
行而本證見矣又何難哉果如其言而愈

張活人謂白虎湯治中暍併汗後一解表藥耳非正  
傷寒藥也而夏月陰氣在內白虎尤宜戒之夫白虎  
湯具載仲景之書證治昭然明白何為言非正傷寒

之藥也况傷寒論言無表證者可與白虎湯今云汗後一解表藥耳于法既無表證何解之有又曰夏月陰氣在內白虎尤宜戒之而明理論又云立秋後不可服秋則陰氣半矣而白虎大寒苦不能禁服之而為噦逆不能食或虛羸者多矣夫傷寒之法有是證則投是藥安可拘于時而為治哉假如秋冬之間患傷寒身無表證而大煩渴于法合用白虎湯苟拘其時何以措手若以白虎為大寒其承氣又何行于冬

令乎既以夏宜戒秋後不可行然則宜乎何時也雖然經云必先歲氣無伐天和此言常也假如賊邪變出陰陽寒熱亦當捨時從證豈可以時令拘哉

傷寒脉浮發熱無汗其表不解者不可與白虎湯若大

渴欲飲水無表證者白虎加人參湯主之

成傷寒脉浮發熱無汗其

表不解不渴者宜麻黃湯渴者宜五苓散非白虎所宜大渴欲水無表證者乃可與白虎加人參湯以散裏熱臨病之工大宜精別○張經言可與某湯或言不可與者此設法禦病也又云宜某湯此臨證審決也言某湯主之乃對証施治也此三者方法之條目也包藏深理非一言可以具述

脉浮而遲表熱裏寒下利清穀者四逆湯

論見下利

下利

厥逆汗出熱不去者四逆湯

少陰病下利清穀厥逆裏寒外熱者通脉四逆湯

方論見下

利

身熱手足逆冷而脉虛當夏月發者為中暑

論見中暑

傷寒表不解乾嘔發熱而咳下利者小青龍去麻黃

加芫花湯

論見欬

太陽與陽明合病必下利其證頭痛

腰疼身熱鼻乾脉浮大而長者宜葛根湯

論見合病

發熱

下利脉微遲厥逆者通脉四逆湯

太陽與少陰合病

自下利其證頭寒胃滿往來寒熱脉大而弦者宜黃芩

湯

論見合病

下利清穀脉沈遲其人面赤微熱而厥者必

鬱冒汗出自解發熱下利厥逆躁不得卧者死發

熱而利汗不止者死

二論俱見下利

發熱吐利心下痞硬者大柴胡湯渴者五苓散不渴者

理中湯

論并見痞及吐利門

發熱經水適來適斷小柴胡湯刺期門

論見證語瘡狀

發熱

脉數消穀不大便者有瘀血宜抵當湯

論見畜血



戴諸陽發熱已見前三陽經陰不發熱惟少陰能發  
熱然少陰發熱有二證初得病即見少陰證發熱惡  
寒頭不疼宜麻黃細辛附子湯 若下利清穀身熱  
躁擾裏寒外熱仲景謂之反發熱此乃陰盛隔陽宜  
四逆湯附子理中湯蓋陽氣傳陰經而下利者乃是  
熱利陽陷入裏外所以無熱陰氣入陰經而下利者  
乃是裏寒自利寒既在裏為主則陽氣必客於外所  
以外反熱要知陰證發熱自是不同發於陽而發熱

者頭必痛發於陰而發熱者頭不痛此為驗也 又  
發汗後只惡寒者為虛虛乃表虛發汗後只惡熱者為  
實實乃裏實只惡寒者是發其汗或汗出大過所謂  
陽微則惡寒宜芍藥甘草附子湯只發熱者是表已  
解而裏不消所謂陰微則發熱宜大柴胡湯或小承  
氣湯 又有汗下後陰陽不相入水火不相濟致餘  
熱未退不可更用冷藥內外俱未可故宜小建中湯  
若其人已虛虛能生熱宜小建中湯加當歸一錢或

四君子湯加黃芪半錢或十全大補湯調其榮衛虛者四柱湯真武湯 審之是邪熱未解雖經汗下却不畏虛而養病宜竹葉石膏湯

宋元諸賢表證發熱治例

潔有汗不得服麻黃無汗不得服桂枝然春夏汗孔疎雖有汗不當服桂枝宜用黃芪湯和解之秋冬汗孔閉雖無汗不當服麻黃宜用川芎湯和解之春夏有汗脉微而弱惡風寒者乃太陽證秋冬之脉也宜用黃芪湯

無汗亦用川芎湯秋冬有汗脉盛而浮發熱惡熱者乃陽明證春夏之脉也宜用黃芪湯無汗亦用川芎湯大抵有汗皆宜黃芪湯無汗皆宜川芎湯主之黃芪湯有汗則能止之

白朮

黃芪

防風

各等分

右咬咀每服五七錢至一兩水煎溫服汗多惡風甚者加桂枝

川芎湯無汗則能發之

川芎 蒼朮 羌活

各等分

右咬咀每服五七錢至一兩水煎熱服無汗惡風甚者加麻黃一二錢

海神術湯治內傷冷飲外感寒邪無汗者

蒼朮

制

防風

各二兩

甘草

一兩炒

右咬咀加葱白生薑同煎服如太陽證發熱惡寒脉浮而緊者加羌活二錢如太陽證脉浮緊中帶弦數者是兼少陽也加柴胡二錢如太陽證脉浮緊

中帶洪者是兼陽明也加黃芩二錢

婦人服者加當歸或加木香湯或加藁本湯各二錢  
如治吹妳煎調六一散三五錢神效

又神朮湯六氣加減例

太陽寒水司天 加羌活桂枝餘歲非時變亦加冬亦  
加

陽明燥金司天 加白芷升麻餘歲非時變涼濕亦加  
秋亦加

少陽相火司天 加黃芩地黃餘歲非時變雨濕亦加

夏亦加

太陽濕土司天 加白朮藁本餘歲非時變熱濕亦加

夏末秋初亦加

少陰君火司天 加細辛獨活餘歲非時變熱亦加春

末夏初亦加

厥陰風木司天 加川芎防風餘歲非時變溫和亦加

夏亦加

已上神術湯六氣加減法非止為司天之氣設也至於歲之主氣與月建日時同前應見者皆當隨所見依上例加減之按海藏此論與戴人云病如不是當年氣看與何年運氣同便向此中求妙法方知皆在至真中之歌相表裏實發前人之所未發也蓋海藏此論所謂某氣司天加某藥者治常氣之法也所謂隨所應見加減者治變氣之法也戴人所謂看與何年同氣求治法者亦治變氣之法也能將二公之法



擴充行之則內經運氣之本義燦然矣夫內經論運氣有常氣有變氣常氣者有定紀如某年屬某氣司天當寒某年屬某氣司天當熱是也變氣者無定紀如某年屬某氣司天當寒反熱當熱反寒是也王氏注文釋以經無定紀之變氣作有定紀之常氣使後學皆以年歲占運氣而其應者十無一二是以人莫之信而其道湮晦久矣二公生數千百年之後復啟其端而續之與程朱續孔孟不傳之緒同功也今僕

謹於海藏逐年司天加藥之後伸餘歲變常之義同志者幸究心焉

白朮湯治內傷冷物外感風寒有汗者

白朮

三兩

防風

二兩

甘草

炙 一兩

右咬咀每服五錢水一盞薑三片煎至七分溫服一日止一二服待二三日漸漸汗少為解

又白朮湯治傷寒上解三陽下安太陰

白朮

如汗之改用蒼朮

防風

各二兩

每服五錢水煎七分溫服用後方加減 若發熱引

飲加黃芩甘草 頭痛惡風者加羌活散三錢羌活

一兩半川芎七錢細辛二錢半

去蘆

若身熱目痛者

加石膏湯四錢石膏二兩知母半兩白芷七錢 腹

中痛加芍藥湯三錢芍藥二兩桂枝半兩 往來寒

熱而嘔者加柴胡散三錢柴胡一兩半夏半兩 心

不痞加枳實一錢 若有裏證加大黃一錢次二錢

又次三錢邪去止之

潔古云有汗不得服麻黃無汗不得服桂枝若未瘥則其變不可勝言故立此法使不犯三陽禁忌解表神方

九味羌活湯

陶尚文註云不問四時但有頭疼骨節痛發熱惡寒無汗脉浮緊者宜用此湯以代

麻黃為穩當如頭疼發熱惡風自汗脉浮緩者宜用加減冲和湯即羌活湯中減蒼朮細辛加白朮黃芪也是也

羌活

一兩半治太陽肢骨疼君主之藥也然非無為之主乃於亂反正之君也故大無不通小

無不入關節痛者非此不除

防風

一兩半治一身盡痛乃卒伍卑賤之下職聽君命將令而行隨所使所引而至

蒼朮

一兩半雄壯上行之藥能除濕下安太陽使邪氣不內傳之於足太陰脾

細辛

半兩治足少陰腎若頭痛

川芎

一兩治厥陰頭痛在腦

白芷

一兩治陽明頭痛在額

生地黄

一兩治少陰心熱在內

黃芩

一兩治太陰肺熱在內

甘草

一兩能緩裏急調和諸藥故有國老之稱

已上九味雖為一方然亦不可執當視其經絡前後左右之不同從其多少大小輕重之不一增損用之其效如神咬咀水煎服若急欲汗者須熱服以熱湯

助之若緩欲汗者溫服不用湯助也

脉浮而不解者先急後緩脉沈而不解者先緩後急  
此湯不獨解利治雜病亦神中風行經者加附子  
中風祕澁者加大黃中風并三氣合而成痺等證各  
隨十二經上下內外寒熱溫涼四時六氣加減補瀉  
用之煉蜜作丸亦可 加生地黃各半治兩感傷寒  
如神用豆淋酒煎治破傷風

解表雜方

和解散

和劑

治四時傷寒頭痛煩躁自汗咳嗽吐利

胃平

加藁  
枯

陳皮

洗

厚朴

去粗皮薑汁炙各四兩

藁本

桔梗

甘

草

各半斤

蒼朮

去皮一斤

右為粗末每服三錢水一盞半薑三片棗二個煎七

分不拘時熱服

十味芎蘇散

澹寮亦名芎芷香蘇散

治四時傷寒發熱頭痛

川芎

七錢

紫蘇葉

乾葛

柴胡

茯苓

各半兩

半夏

六錢

陳皮

三錢

枳殼

炒三錢

桔梗

二錢半

甘草

二錢

右以咀用每服三錢水一盞薑三片棗一枚煎七分

溫服無時

養胃湯

和劑

治外感風寒內傷生冷憎寒壯熱頭目昏

疼不問風寒

二證夾食停痰俱能治之但感風邪以微汗為好

半夏

湯洗七次

厚朴

去粗皮薑汁炒

蒼朮

米泔浸一宿洗切炒各一兩



橘紅 七錢半

藿香葉 洗去土

草果 去皮膜

茯苓 去黑

皮

人參 去蘆各半兩

炙甘草 二錢半

右咬咀每服四錢水一盞半薑七片烏梅一個煎六

分熱服兼治飲食傷脾發為痰瘡寒多者加附子為

十味名不換金散

五積散

和劑

治陰經傷寒脾胃不和及感寒邪

白芷

川芎

炙甘草

茯苓 去皮

當歸 去淨蘆

肉桂

去粗皮

芍藥

半夏

湯洗七次各三兩

陳皮

去白

枳殼

去瓤  
麤炒

麻黃

去根節  
各六兩

乾薑

燼

厚朴

去粗  
皮薑

制各

蒼朮

米水浸去皮  
二十四兩

桔梗

去蘆十  
二兩

右除肉桂枳殼二味別為粗末將一十三味慢火炒

令色轉攤冷次入枳桂令勻每服三錢水一盞半薑

三片葱白三段煎一鍾不拘時熱服胃寒用煨薑挾

氣加茱萸調經催生又艾醋服 若脾胃不和內傷

冷物渾身疼痛頭昏無力胃膈不利飲食不下氣脉不

和四肢覺冷或睡裏虛驚至晚心躁困倦即入鹽少

許同煎 若陰經傷寒手足逆冷及虛汗不止脉細  
疾面青而嘔更宜加附子同煎加減多少並在臨時  
消息之

海麻桂芍藥甘草即麻黃桂枝各半湯也蒼术甘草  
陳皮厚朴即平胃也枳桔陳茯苓即枳梗半夏等湯  
也加芍歸治血又加乾薑為厚朴散此數藥相合為  
解表溫中之劑消痞調經之方雖為內寒外感表裏  
之分所制實非仲景表裏麻黃桂枝薑附之的方也

惟在活法者變而通之

人參敗毒敗

和劑

治傷寒頭痛壯熱惡寒及風痰咳嗽

鼻塞聲重風濕身腫體痛惡風疫癘四時通用傷風

有汗夏至後用

羌活 獨活 前胡 柴胡 芎藭 枳殼 白

茯苓 桔梗

人參

已上各一兩

甘草

半兩

右為末每服三錢水一盞生薑三片薄荷少許同煎至七分去滓溫服

參蘇飲

元戎

治內外感一切發熱主藥又云前胡葛根

自能解肌枳殼陳皮自能寬膈大治中焦滿痞凡有熱不得拘其所見小兒室女尤宜服之

木香

半兩

紫蘇葉

乾葛

半夏

湯洗七次薑汁炒

前

胡

去苗

人參

去蘆

茯苓

去皮各七錢半

枳殼

去瓢炒

桔

梗

去蘆

甘草

炙

陳皮

去白各半兩

右咬咀每服四錢水一盞半生薑七片棗一枚煎不

拘時稍熱服若素有痰者候熱退以二陳六君子湯

間服

右方治痰飲停積中脘閉塞眩暈嘈煩忪悸嘔逆及  
痰飲中人停留關節手脚蹻曳口眼喎斜半身不遂  
食已則嘔頭疼發熱狀如傷寒者悉治之 一法用  
此藥三两加四物湯二两合和名茯苓補心湯大治  
男子婦人虛勞發熱或五心煩熱并衄血吐血便血  
及婦人下血過多致虛熱者並宜服之或因用心太  
過發虛熱者及往來寒熱者用之神效

加味香蘇散

按 粹

香附子

三兩

紫蘇梗

二兩

陳皮

一兩

甘草

半兩

右為剉散每服四錢水一盞半煎一盞生薑三片連根葱白二莖同煎熱服

頭痛加川芎白芷

頭痛如斧劈加石膏連鬚葱頭

偏正頭風加細辛石膏薄荷 太陽穴疼加荆芥穗

石膏 傷風自汗加桂枝

傷寒無汗加麻黃

去節乾

薑 傷風惡寒加蒼朮

傷風咳嗽不止加半夏杏

仁去皮尖

傷風胸膈痞塞加製枳殼 傷風發熱不

退加漳柴胡黃芩 傷風鼻塞聲重咽膈不和加苦

梗旋覆花傷風痰涎壅盛加白附子天南星 傷風

鼻內出血加茅花 傷風氣促不安加大腹皮桑白

皮 傷風鼻塞不通頭昏加羌活荆芥 傷風不散

吐血不時加生地黃 傷風不解耳內出膿疼痛加

羌活荆芥 傷風不解咽喉腫痛加苦梗 傷風中

脫寒不思飲食加去白青皮枳殼 傷風嘔吐惡心



不止加丁香半夏 傷風頭暈眼花顛倒支持不住  
加熟附子 傷風時作寒慄加桂枝 傷風痰壅嘔  
惡不止加白附子旋覆花半夏 傷風後時時作虛  
熱不退加人參 傷風飲食不能消化加縮砂仁青  
皮 傷風一向不解作潮熱白日至日中不退日日  
如是加地骨皮漳柴胡人參菴藷 初感風頭痛作  
熱鼻塞聲重加羌活川芎 感風腰痛不能伸屈加  
官桂桃仁 感風渾身痛不止加赤芍藥紫金皮 感

風頸項強急不能轉頭加羌活官桂 腹肚疼痛加  
木香 腹肚疼刺不可忍加薑黃茱萸七粒 小腹  
疼痛無時不可忽加木香薑棗 婦人忽然大便腫  
痛不能下地加木香木瓜茱萸 婦人被氣所苦胸  
膈痞疼脅肋刺痛小便急疼加木香枳殼 婦人被  
氣疼所苦加木香縮砂仁 脾胃不和中脘不快加  
穀芽神曲 傷食吐嘔泄瀉腹痛加乾薑木香 心  
卒痛者加延胡索酒一盞 飲酒太過忽遍身發疽

或兩目昏黃加山茵陳山梔子中酒吐惡加烏梅丁香  
香 婦人經水將行先作寒熱加蘇木紅花婦人產  
後作虛熱不退煩渴加人參地黃 產後發熱不退  
加人參黃芪 產後腰疼不已加當歸官桂冷嗽不  
已加乾薑五味子杏仁 脾寒加良薑青皮草果  
腳氣加木香木瓜牛膝紫金皮茱萸川練子 感風  
寒發熱頭疼加不換金正氣散 感寒頭痛壯熱惡  
寒身痛不能轉動加生料五積散 飲食不下欲吐

不吐加丁香與蘿蔔子 感寒頭痛發熱身疼分陰

陽加敗毒石膏 婦人產後風脚手疼痛生料五積

散人參敗毒散加木瓜不換金正氣散加生地黃川

芎同煎

十神湯

和劑

治時令不正瘟疫妄行感冒發熱或欲出

疹此藥不問陰陽兩感風寒並宜服之

川芎 甘草 麻黃

去根節

乾葛 紫蘇 升麻

赤芍藥 白芷 陳皮 香附子

各等分

右咬咀每服五錢薑葱煎如頭痛甚更加葱白三莖  
中滿氣實加枳殼煎並熱服

吳此湯用升麻葛根能解利陽明經瘟疫時氣發散  
之藥也非正傷寒之藥若太陽經傷寒發熱用之則  
引邪入陽明經傳變發癰矣慎之

藿香正氣散

和劑

治傷寒頭痛憎寒壯熱或感濕氣霍

亂吐瀉常服除山嵐瘴氣伏暑吐瀉脚轉筋加香薷  
扁豆黃連名藿薷湯

大腹皮

白芷

茯苓

去皮

紫蘇莖葉

藿香

各三

兩

厚朴

去粗皮  
薑製

白朮

陳皮

去白

苦梗

半

夏麴

各二兩

甘草

炙一兩

右咬咀每服三錢薑三片棗一枚煎熱服

吳此方宋人所製治內傷飲食外感寒邪憎寒拘急頭痛嘔逆胃膈滿悶與夫傷食傷冷傷濕中暑霍亂山嵐瘴氣不伏水土寒熱作瘡並宜增損用之非正傷寒之藥若病在太陽經頭疼發熱骨節痛者此

方全無相干如妄用之先虛正氣逆其經絡雖出汗亦不解變成壞證者多矣凡傷寒發熱脉沈與元氣虛人并夾陰傷寒發熱者皆不可用切宜戒之

大白朮湯

保命

和解四時傷寒混解六經不犯禁忌

白朮

石膏

各二兩

防風

羌活

川芎

各一兩

甘草

五錢或一兩

黃芩

枳實

知母

七錢

白芷

一兩

半

細辛

三錢

右為粗末每服半兩水一盞半煎至一盞大溫服未

解更一服兩服藥查又作一服 春倍防風羌活夏  
倍黃芩知母季夏雨淫倍朮白芷秋加桂枝五錢冬  
加桂八錢或一兩

右以上諸方皆為元氣不虛者設也如芎蘇香薷散  
則內傷少而外感多者宜之和解散養胃湯則外感  
少而內傷多者宜之五積散則寒多者宜之冬亦宜  
之大白朮湯則熱多者宜之春夏亦宜之敗毒散則  
宜於挾濕者參蘇飲則宜於挾痰者十神正氣則吳



氏之議當矣大抵證兼表裏邪由錯雜似傷寒而非  
正傷寒者乃可於諸方中斟酌選用若脉證與麻黃  
桂枝脗合自當遵仲景法治之即元氣素虛或平素  
有熱不宜麻桂者亦必如潔古海藏法緩緩消滅庶  
無誤爾人命至重死不復生臨病之工宜詳審焉

戴院使

元禮

治法傷風傷寒初得病時並宜和解散

芎芷香蘇散或養胃湯加草芎各半錢熱服溫覆若  
的是傷風有前自汗惡風等證可用桂枝湯令其熱

服溫覆喘加杏仁一錢咳加五味子一錢渴加人參  
半錢外熱未止者敗毒散熱而有汗者敗毒散加桂  
枝半錢或陽旦湯嘔者不宜用桂枝湯合於本方加  
半夏一錢添薑煎此非合病之嘔係傷寒雜病即非  
正寒故可用也風寒二證理當發汗而其人虛不可  
汗者宜桂枝湯加黃芪半錢若的是傷寒有前惡寒  
無汗等證可用五積散厚被覆之取汗喘嗽者杏子  
湯加麻黃半錢欲汗而不得汗者再進已汗而身熱

不退者參蘇飲或敗毒散加桂枝半錢嘔者養胃湯  
此非治合病之嘔若風寒俱傷或惡風而無汗或惡  
寒而無汗疑似之間只宜五積散半貼加敗毒散半  
貼名交加散喘嗽者小青龍湯有初得病太陽證具  
俱寒而未即為熱至一二日後方熱此傷於寒若傷  
風即有熱矣但寒未熱者五積散發汗有已服解表  
藥不惡風不惡寒諸表證已罷於裏又未躁未渴小  
便亦未赤大便如常獨身熱未除者宜香蘇散敗毒

散小柴胡湯加桂枝半錢有已服解表藥證已罷又無裏證其人體痛不減者恐是發汗多榮衛不和所致宜小建中湯用半厚半薄之桂

河間劉氏治法傷寒表實無汗頭項痛腰脊強身熱惡寒肩背拘急手足指末微厥脉浮緊而濇當以清解散加天水散汗之傷風表虛自汗頭項強痛肢節煩疼鼻鳴乾嘔惡風手足溫脉浮緩當以通解散或天水散解之或表虛或表實但口乾煩渴者悉宜雙

解散汗之汗後餘熱不解以涼膈散退之或日深或日淺但有表證而脉浮數者先以天水連翹飲子清之待脉浮而裏熱減然後以雙解散汗之傷寒表不解脉浮小便不利微熱口乾五苓散分之表熱多裏熱少益元一涼膈半和解之裏熱多表熱少涼膈一益元半調之若表裏俱熱頭痛口乾自汗不止白虎湯治之或半在表半在裏往來寒熱口苦舌乾耳聾乾嘔胸脇痞痛小柴胡湯和解之或膈熱嘔吐不止

者半夏橘皮湯治之或飲水不止以成濕熱大便秘  
瀉小便赤澀腹滿急痛頭痛口乾者桂苓甘露飲主  
之或濕熱內餘而成下痢頻併少腹而痛者黃連解  
毒湯治之傷寒日深表裏熱勢極甚心下急鬱微煩  
或發熱汗出不解心下痞鞭嘔吐下利或陽明病多  
汗或太陰腹滿實痛或少陰下利清水心下痛而口  
乾或無表裏證但發熱七八日脉雖浮數宜雙除表  
裏之熱大柴胡湯微下之或加小承氣湯尤妙傷寒

日深裏熱極甚日晡潮熱譫言妄語發狂腹滿實痛  
法當大承氣湯下之或用三一承氣湯尤良

右戴氏用藥偏熱劉氏用藥偏寒於世運風土稟質  
感受各有所宜臨病者詳審而酌施之方許親見長  
沙耳劉氏所用諸方前條無之今列于後

通聖散

輕劑

治風熱鬱結憎寒發熱筋脉攣痺肢體焦痿

頭目暈眩耳鳴鼻塞口苦舌乾咽喉不利涕唾稠粘  
咳嗽上氣腸胃燥澁便血瘀血瘡瘍腫痛疥瘡不痊

婦人產後血滯腹痛小兒驚風積熱并墜馬跌仆疼痛或傷寒傷風等證並皆治之

防風 芒硝 連翹 川芎 麻黃 薄荷 白

芍藥 當歸 大黃各五錢 黃芩 桔梗 石膏各一

甘草二兩 荊芥 山梔 白朮各一錢 滑石

三兩

右咬咀每服一兩或二兩水二盞生薑三片同煎七分去滓溫服不拘時如發散風寒加葱白三莖如治



痰嗽每服加半夏少許

涼膈散

清劑

治心火上盛膈熱有餘目赤頭眩口瘡唇

裂鼻衄吐血欬嗽痰涎淋閉不利大小便不通或傷  
寒半表半裏及胃熱發癰及陰耗陽竭用以養陰退  
陽或汗下後餘熱不解并小兒瘡痘黑陷並皆治之

連翹

一兩

甘草

山梔

黃芩

大黃

薄荷

各五

錢

朴硝

二錢半

右為呖咀每服一兩水一盞竹葉三十片同煎七分

去滓入生蜜少許食後溫服加黃連五錢名清心湯

天水散

淡劑

治傷寒表裡俱熱煩渴口乾小便不通及

霍亂吐瀉下利腸澼偏主石淋及婦人產難催生下

乳神仙之妙藥也

桂府滑石

膩白者  
六兩

粉草

一兩  
研

右為極細末每服三錢白湯調下新汲水亦得加

薄荷末少許名鷄蘇散加青黛末少許名碧玉散治

療竝同但以避世俗之輕侮爾

三一承氣湯 治傷寒大承氣湯證腹滿實痛調胃承

氣證譫語下利小承氣湯證內熱不便三乙承氣湯  
合而為一也及治中風僵仆風癰發作並皆服之此  
下劑也

大黃

芒硝

厚朴

枳實

各一兩

甘草

五錢宣明論方

甘草倍于四味

右咬咀分作三服水二盞生薑三片同煎七分去粗  
溫服不拘時候以利為度

雙解散 治傷寒傷風或有汗或無汗表證悉具內熱

口乾

通聖

天水

各一  
半

右為呖咀每服二兩水二大盞生薑三片葱白三根  
同煎七分去滓微熱服以取其汗

清解散 治一切感冒

蒼朮

炒

荊芥

各二  
兩

甘草

一兩

麻黃

一兩  
半

右四味呖咀每服一兩水二盞生薑三片葱白一莖

同煎七分去滓微熱服以被蓋覆取汗為度

半夏橘皮湯 治一切嘔吐不止

人參 白朮 白茯苓 甘草 黃芩 半夏

厚朴 藿香葉 葛根 橘皮

各等分

右為咬咀每服一兩水一碗煎七分去滓入生薑自然汁少許溫服不拘時

補養兼發散例

丹溪云有卒中天地之寒氣者有口食生冷之物者

故傷寒為病必身犯寒氣口食寒物者是以從補中  
益氣湯加發散藥屬內傷者十居八九其法邪之所  
湊其氣必虛只用補中益氣湯中從所見之證出入

加減氣虛甚者少用附子以行參朮之氣

補中益氣湯方見雜

病勞倦門

內傷之病專主東垣內外傷辨甚詳世之病

此者為多但有挾痰挾外邪者鬱熱於內而發者皆  
以補元氣為主宜看其所挾而兼用藥 一男子素

嗜酒因暴風寒衣薄遂覺倦怠不思飲食半日至睡

後大發徧身疼痛如被杖微惡寒天明診之六脉浮  
大按之豁然左為甚予作極虛受風寒治之人參為  
君黃芪白朮歸身為臣蒼朮甘草木通乾葛為佐使  
大劑與之至五貼後通身汗如雨凡三易被得睡覺  
來諸證悉除 盧兄年四十九歲自來大便下血脉  
來沉遲濇面黃神倦者二年矣九月間因勞倦發熱  
自服參蘇飲二貼熱退早起小勞遇寒兩手背與面  
紫黑昏仆少時却醒身大熱妄語口乾身痛至不可

眠脉之三部不調微帶數重取虛豁左手大於右手  
以人參二錢半帶節麻黃黃芪各一錢白朮二錢當  
歸五分與三五貼得睡醒來大汗如雨即安兩日後  
再發脇痛欬嗽若睡時嗽不作而妄語且微惡寒診  
其脉似前而左略帶緊余曰此體虛再感寒也再以  
前藥加半下茯苓至十餘貼再得大汗而安後身倦  
不可久坐不思飲食用補中益氣去涼藥加神麴半  
夏砂仁五七十貼而安 杭州葉君章臘月因齋素



中飢而冒寒作勞遂患發熱頭痛醫與小柴胡湯遂  
自汗神昏耳聾目不見物余診其脉大如指似有力  
熱不退與人參黃芪白朮熟附子炙甘草作大劑服  
之一日而汗少二日而熱減半耳微有聞目能視物  
初用藥至四貼前藥中加蒼朮與兩服再得汗而熱  
除本日遂去蒼朮附子又與前藥作小劑服三日而  
安 呂仲修年六十六歲正月間因忍飢冒寒作勞  
頭痛惡寒發熱骨節皆疼無汗至次日妄語熱愈甚

而妄語時止時作熱亦不為十分自服參蘇飲兩貼  
汗不出又再進一服以衣覆取汗大出而熱不退至  
第四日余診其脉兩手皆洪數而右為甚此因飢而  
冒寒加之作勞陽明經雖受寒氣不可攻擊宜急以  
大劑補之以回其虛俟胃氣充實自能出汗而解遂  
以參芪白朮歸身陳皮炙甘草每貼加熱附子一片  
一晝夜服五貼至第三日口稍乾言語有次諸證雖  
解而熱未退遂去附子加白芍又兩日思食却作肉

羹間與之又三日精神全二日許自汗出而熱退診其脉不數洪脉却尚有些洪脉作大脉論年高而誤汗此後必有虛證見又與前藥至次日言我大便自病來不曾更衣今穀道逼痛虛坐努責狀如不堪醫者必欲投大黃巴豆等劑余謂大便非實祕為是氣因誤汗而虛不得充腹無力可努仍與前補藥以肉粥及茯苓與之一日半煎濃葱椒湯浸下體下大便軟塊者五六枚診其脉仍舊大未斂此因氣血未得

回復又與前藥兩貼經兩日小便不通少腹下妨悶  
頗為所苦但仰卧則點滴而出予曰補藥服之未盡  
於前藥內倍加參芪大劑服兩日小便方利而安

汪機治一人年三十餘因冒寒發熱醫用發表不瘳  
繼用小柴胡熱熾汗多遂昏昏憤憤不知身之所在  
卧則如雲之停空行則如風之飄毛兼有消穀善飢  
夢遺諸證觀其形類肥者曰此內火燔灼而然虛極  
矣診其脉皆浮洪如指曰脉經云脉不為汗衰者死

在法不治所幸者脉雖大按之不鼓形雖長而色尚  
蒼可救也醫以外感治之所謂虛其虛誤矣經云邪  
之所湊其氣必虛宜以內傷為重遂用參芪歸朮大  
劑少加桂附服十餘貼病減十之二三再減桂附加  
芍藥黃芩服十餘貼病者始知身卧于牀足履于地  
喜曰可不死矣服久果起

薛院使已治一人年七十九仲冬將出少妾入房致  
頭痛發熱眩暈喘急痰涎壅盛小便頻數口乾引飲

偏舌生刺縮斂如荔枝然下唇黑裂面目俱赤煩躁  
不寐或時喉間如烟火上衝急飲涼茶少解已瀕於  
死脉洪大而無倫且有力捫其身烙手此腎經虛火  
遊行於外投以十全大補加山茱萸澤瀉丹皮山藥  
麥門五味附子一鍾熟寐良久脉證各減三四再與  
八味丸服之諸證悉退後畏冷物而痊

本事方黃芪建中加當歸湯 治發熱頭疼脉浮數而  
尺中遲弱者宜先服此藥補血却與麻黃桂枝輩

黃芪

當歸

各一兩半

白芍藥

桂枝

甘草

各一兩

右㕮咀每服五錢薑三片棗一枚水煎日三夜二服如脉尚沈遲再進一服

海黃芪湯

治傷寒兩感拘急三焦氣虛自汗及手足

出汗或手背偏多或肢體振搖腰腿沈重面赤目紅但欲睡眠頭面壯熱兩脇熱甚手足自溫兩手心熱自利不渴大便或難或如常度或口乾咽燥或渴欲飲湯不欲飲水或少欲飲水嘔噦間作心下滿悶腹

中痛痛或時喜笑或時悲哭或時太息或時語言錯  
亂疑作譫語狂言者非也神不守舍耳始得病于寤  
寐之間或恐悸頭項不甚痛行步只如舊此陰盛陽  
虛之故也兩手脉浮沈不一或左或右往來不定有  
沈瀋弱微弦五種陰脉形狀按之全無力浮之損小  
沈之亦損小皆陰脉也宜先緩而後急緩宜用黃芪  
湯

黃芪湯方



人參 生薑 黃芩 白茯苓 白朮 白芍藥

各一兩

甘草

七錢

嘔者加藿香陳皮各五錢甚者

加乾薑炮一錢

右咬咀水煎量證加減多少用之 如大便秘結者

調中丸主之

調中丸方

人參 白朮 白茯苓 乾薑 甘草

各等分

右為末煉蜜丸每兩作十丸或五丸每服一二丸水

少許煎服若病急者黃芪湯每服加乾薑一錢大便結者理中丸主之

理中丸方

人參 白朮 乾薑

炮恐熱以生薑代之

甘草

炙

右等分為末煉蜜丸每兩作五丸白湯化下先緩後急也若尤急者無汗宜附子乾薑甘草湯若自汗者宜白朮附子甘草湯量脈證可於四逆湯或真武湯或通脈四逆湯選用之

丹絳矩新書謂有雜合邪者當以雜合法治之譬如惡寒發熱得之感冒明是外合之邪已得浮數之脉而氣口又緊盛明為食所傷病者又怠倦脉重按俱有豁意而胸膈痞滿間引兩脇其脉輕取又似乎眩此又平昔多怒奸邪之所為也細取左尺大細沈弱此又平時房勞之過也治法宜以感冒一節且放後先視其形色強弱厚薄且以補中化食行滯清涼胃火而以羌辣行之則中氣稍回傷滯稍行津液得和

通體得汗外感之邪自解醫者不肯詳審求之只顧表散外邪又不推究兼見之邪脉亦不窮問所得之病因與性情之執者巧施雜合治法將見正氣自虛邪氣愈固皆拙工之過也

婁此篇集丹溪海藏諸賢治傷寒皆以補養兼發散之法實本經成敗倚伏生於動動而不已則變作及風雨寒熱不得虛邪不能獨傷人之旨也蓋凡外傷風寒者先因動作煩勞不已而內傷體虛然後外邪

得入故一家之中有病者有不病者由體虛則邪入而病體不虛則邪無隙可入而不病也是故傷寒為病屬內傷者十居八九後學無知舉世皆謂傷寒無補法但見發熱不分虛實一例汗下而致天橫者滔滔皆是此實醫門之罪人也今集此法於仲景之後其應如響使人遵之不犯虛虛實實之戒也

右綱目之文余見世醫泥於傷寒無補法多犯虛虛實實之戒故備述之而刪其純內傷者及丹溪醫按

之庸蕪者又增近代二醫按以為虛人感寒之活例  
云爾神而明之存乎其人不可泥也余嘗治一刻字  
工人新婚冬月冒寒表證悉具令以人參紫蘇荳蔻  
各一兩煎湯飲之汗出而愈一孕婦春夏之交患溫  
病頭痛發熱不惡寒而渴未及療治胎隨去血無筭  
昏眩欲絕余令以麥門冬勑許入淡竹葉香豉頻頻  
飲之亦汗出而愈蓋用勞復法治之得此活法則於  
治是病庶幾可十全矣

○韓祇和氏和解因時法

傷寒病有可汗者論中但統言其可汗證及可汗脉或云脉浮而數或云脉浮緊或云脉浮無汗而喘或云脉浮為在表今畧舉數條後人但憑其脉之大槩並不分脉浮有陰陽虛盛之理又不知有可汗不可汗之證誤投發表藥則多變成陽毒之患矣今舉病人有汗惡風無汗惡寒分二等及據立春已後立秋已前氣候輕重各立方治之庶學者易為開悟耳

一病人二三月已前兩手脉浮數或緩或緊按之差軟寸關尺若力齊等其力不甚大不甚小者亦未可便投解表藥此是見裏證未見表脉也宜候寸脉力小如關尺即可投解表藥大抵治傷寒病見證不見脉未可投藥見脉未見證雖少投藥亦無害也凡治雜病以證為先脉為後治傷寒病以脉為先證為後一病人兩手脉浮數而緊名曰傷寒若關前寸脉力小關後尺脉力大雖不惡風不自汗出此乃陰氣已盛



先見於脉也若不投藥和之後必惡風及自汗出若  
立春已後至清明已前宜調脉湯主之清明已後至  
芒種已前宜葛根柴胡湯主之芒種已後至立秋已  
前宜人參桔梗湯主之

調脉湯方

葛根

一兩

前胡

去苗

防風

各七錢半

甘草

半兩炙

為粗末每服五錢水一盞生薑一塊如小指大劈破  
煎七分去滓溫服如寸脉依前力小加棗三枚同煎

葛根柴胡湯

葛根

一兩半

柴胡

去蘆  
一兩

芍藥

桔梗

甘草

炙各

七錢

半

厚朴

半兩

右咬咀每服五錢水一盞生薑三片煎至七分去滓  
熱服如寸脉依煎力小加葱白三寸同煎服

人參桔梗湯

人參

桔梗

各七錢半

麻黃

去節  
一兩

石膏

三兩

甘草

炙七錢半

右每服五錢水一盞荊芥五穗同煎至七分去滓熱服如寸脉依煎力小加麻黃二分去節同煎服

一病人兩手脉浮數而緩名曰中風若寸脉力小尺脉力大雖不惡風不自汗此乃陰氣已盛先見於脉也若不投藥和之後必惡風自汗出若立春已後清明已前宜薄荷湯主之清明已後芒種已前宜防風湯主之芒種已後至立秋已前宜香薷湯主之

薄荷湯

薄荷

一兩

葛根

人參

甘草

炙各半兩

防風

去蘆二兩

右咬咀每服五錢水一盞煎至七分去滓熱服如三五服寸脉力尚小加薄荷二分同煎

防風湯

防風

去蘆一兩

桔梗

三錢

甘草

炙

旋覆花

各半兩

厚朴

三分

右咬咀每服五錢水二盞薑一塊同煎熱服如三五服寸脉力尚小加荊芥穗五七莖同煎

香薷湯

川芎

二錢半

石膏

二兩

升麻

三兩

甘草

炙

厚朴

製各

半兩

右咬咀每服五錢水二盞煎七分溫服如三五服後寸脉力尚小加細辛二分同煎

前二段文將中風傷寒各立法者何蓋謂病人始得病三日已前或因中風脉緩或因傷寒脉緊然脉雖先見而證猶未見尚可以藥解之故立方耳

一病人兩手脉浮數或緊緩寸脉短反力小於關尺脉者此名陰盛陽虛也若自汗出惡風是邪氣在表陰氣有餘也素問云陰氣有餘為多汗身寒即可投消陰助陽表劑以治之若立春已後清明已前宜六物麻黃湯主之清明已後芒種以前宜七物柴胡湯主之芒種已後立秋已前宜發表湯主之

六物麻黃湯

麻黃

去節  
一兩

葛根

蒼朮

各七錢半

人參

甘草

炙各

半兩

右咬咀每服五錢水一盞棗二枚煎七分熱服如三五服後汗未止惡風者加荊芥七錢三五服後不惡風猶汗者加丁香皮半兩

七物柴胡湯

柴胡

蒼朮

各二兩

荊芥

麻黃

各一兩

甘草

炙七

錢

右咬咀每服五錢水一盞薑一塊棗二枚同煎七分

熱服如三五服後汗未止惡風者入葱白三寸如三  
五服後汗未止加當歸一兩同煎

發表湯

麻黃

去節  
一兩

蒼朮

二兩

當歸

半兩

炙甘草

丁香

皮

各七  
錢半

人參

半兩

右咬咀每服五錢水一盞入薑一塊棗三枚同煎至  
七分去滓熱服如三五服汗未止猶惡風者加桂枝  
七錢如汗未止更加細辛半兩以汗止為度



一病人脉浮數或緊或緩其脉上出魚際寸脉大於關尺者此名陽盛陰虛也若發冒悶口燥咽乾者乃是邪氣在表陽氣獨有餘也素問曰陽氣有餘為身熱無汗是也可投消陽助陰藥以解表若立春已後至清明已前宜人參湯主之清明已後至芒種已前宜前胡湯主之芒種已後至立秋已前宜石膏湯主之

人參湯

人參

兩半

柴胡

兩一

芍藥

炙甘草

各七錢半

石膏

二兩

右呔咀每服五錢水一盞薑一塊煎七分熱服如三  
五服後熱不解者入豉三十粒同煎服

前胡湯

前胡

一兩

石膏

二兩

炙甘草

半兩

桔梗

豉

各七錢半

右每服五錢水一盞薑五片煎七分去滓熱服如三  
五服熱尚未解加豉三十粒煎再服

石膏湯

石膏

三兩

芍藥

柴胡

各一兩

升麻

黃芩

炙

甘草

各七錢半

右咬咀每服五錢水一盞半豉一合煎八分熱服如  
三五服後熱未解者加知母一兩又未解加大黃一  
兩

一病人兩手脈浮數或緊或緩三部俱有力無汗惡風  
者此是陰陽氣俱有餘素問曰陰陽有餘則無汗而  
寒是也可用藥平之若立春已後至清明已前宜解

肌湯主之清明已後至芒種已前宜芍藥湯主之芒種已後至立秋已前宜知母湯主之

解肌湯

石膏

二兩

麻黃

去節七錢半

炙甘草

升麻

各半兩

右咬咀每服五錢水一盞入豉半合煎至八分去滓熱服如三五服後猶惡風者加麻黃半兩石膏一兩

芍藥湯

炙甘草

半兩

芍藥

一兩

石膏

三兩

荆芥穗

一兩

右咬咀每服五錢水一盞生薑一塊煎至七分去滓  
熱服如三五服後猶惡風者每服加生薑一塊同煎  
服

知母湯

知母

一兩

石膏

二兩

麻黃

升麻

各一兩

炙甘草

半兩

右咬咀每服五錢水一盞入生薑一塊同煎至七分  
去滓溫服如三五服後猶惡風者加麻黃升麻各半

兩

前三段文將中風傷寒一法治者因病人始得病後  
脉證俱見若投解劑必不能愈故立前方同法治之  
仲景云傷寒為病脉緩者為中風脉緊者名傷寒今  
分此二端何也始因冬寒毒之氣中人其內伏之陽  
沈潛于骨髓之內每至春夏發時或因外傷寒而引  
內邪出或因外傷風而引內邪出及乎內邪既出而  
為病一也古人云立此二端恐後人疑其緊脉與緩

脉治別也若中風與傷寒脉異何故仲景無別法治之此乃後人不究仲景之心也病人始得病一二日至五六日尚有表脉及表證亦可依脉證投藥凡投解表及發表藥每一日可飲三服病證甚可至五服外不可頓服藥也如證未解次日依前再投如證依前未解可作熱粥投之粥內加葱白亦可如有汗出勿厚衣蓋覆恐汗出太過作亡陽證也

海藏云韓氏微旨可汗一篇有和解因時法言傷寒

之脉頭小尾大傷風之脉頭大尾小李思訓保命新書亦分尺寸與仲景同之非若前人總言尺寸脉俱浮而緊尺寸脉俱浮而緩緊則為傷寒無汗緩則為傷風自汗又有傷寒有汗者傷風無汗者脉亦互差與證不同前人已盡之矣惟韓李所言頭小尾大即為傷寒尾小頭大即為傷風人病間有脉證未顯于尺寸者故韓李述為和解因時法也又恐後人疑其不與前聖合遂於本方內又立加減法數條亦不越



前人之意何其當哉蓋二公者當宋全盛之時故又  
戒麻黃桂枝不可輕用改用石膏升麻葛根柴胡之  
平劑當時則可非百代常行之道時世遷移之法也  
可汗一篇若隨湯液隨證應見自有定規雖明哲不  
可踰也

又寸口脉小飲冷與霧露所傷同作中焦治今韓李  
云傷寒寸小者勿認與飲冷霧露同傷一體也飲冷  
霧露所傷寸口舉按全無是陰氣在胃不和陽氣不

能升越也傷寒寸口小者只於關部下至膀胱本部見之寸口雖小只是舉之微小沈得之有也非若飲冷舉按全無也若果寸口舉按全無即不可解表只宜溫中不可不知

惡寒

此門係初稿故仲景法與後人續法混列以其頗有條理不復改正讀者詳之

惡寒者風寒客於榮衛非寒熱之寒又非惡風也故不待見風而後怯寒雖身大熱亦不欲去衣被也甚則向火增被不能遏其寒所以然者由陰氣上入陽中或陽

氣微或風虛相搏之所致也惡寒一切屬表雖裏證悉具而微惡寒者亦表未解猶當先解其外俟不惡寒乃可攻也經云發熱惡寒發於陽可發汗無熱惡寒而趺脈沈細發於陰可溫裏惡寒雖悉屬表亦有虛實之分若汗出而惡寒為表虛無汗而惡寒為表實表虛可解肌表實可發汗

傷寒太陽病在表故惡寒少陽半在表半在裏亦微惡寒陽明在裏本不惡寒或惡寒者與太陽合病也

太陽發熱惡寒脉浮

方論見前太陽病發熱門

陽明中風口苦咽乾腹滿微喘發熱惡寒脉浮而緊亦麻黃湯證也陽明病脉遲汗多微惡寒者表未解亦桂

枝湯證也

三時用代藥如前例

少陽證頭汗出微惡寒小柴胡加桂枝湯

三陰為少陰經有惡寒之證太陰厥陰皆不惡寒然少陰惡寒又有二證發於少陰者無熱而惡寒宜溫之屬

理中湯四逆湯少陰

無熱惡寒

似與前太陽經未即熱一條相似所謂寒未即熱者為  
太陽證具而未熱耳此之無熱惡寒蓋無太陽頭痛等  
證知為少陰也

少陰病下利惡寒而趺四逆湯真武湯小建中湯 若  
惡寒而趺時時自煩欲去衣被者活人用大柴胡湯下  
之趙氏以為宜溫散陰邪導引真陽汗而可解也若下  
之非惟不能解表反虛其裏使惡寒之邪乘虛內陷縱  
使其脈沈滑而實亦未可遽用大柴胡必須先解表使

惡寒證罷而後可用也 少陰病惡寒身蹇而利手逆

冷者不治

無陽故也

少陰四逆惡寒而身蹇脉不至不煩

而躁者死

外有太陰自利不渴厥陰下利厥逆俱或惡寒太陰宜理中湯厥陰宜四逆湯前既言二陰不惡寒今又言或惡寒要知太陰厥陰皆不惡寒者此陽傳陰者也三陰皆能惡寒者陰入陰者也特在少陰為多耳

惡寒脉微而復利利止亡血也四逆加人參湯主之

成惡

寒脉微而利者陽虛陰盛也利止則津液內竭故云亡  
血金匱玉函曰水竭則無血與四逆湯溫經助陽加人  
參生津液益血

四逆加人參湯方

人參

乾薑

甘草

各一兩

附子

一枚去  
皮煨

右咬咀每服五錢水煎溫服日三

發汗病不解反惡寒者虛故也芍藥甘草附子湯主之

成發汗病解則不惡寒發汗病不解表實者亦不惡寒  
今發汗病且不解又反惡寒者榮衛俱虛也汗出則榮  
虛惡寒則衛虛與芍藥  
甘草附子湯以補榮衛

芍藥 炙甘草

各三兩

附子

一枚炮去皮破剝片

已上三味以水五升煮取一升伍合去滓分溫服

疑非仲景意

成芍藥之酸收斂津液而益榮附子之辛熱固陽氣而補衛甘草之甘調和辛

酸而安正氣

下後復發汗心振寒脉微細者此內外俱虛也當歸四逆湯真武湯太陽病下後脉促胸滿者桂枝去芍藥湯主之

桂枝去芍藥湯方



桂枝

去粗皮

生薑

切各一兩半

炙甘草

大棗

六枚

右咬咀每服五錢水煎溫服

若微惡寒者去芍藥加附子湯主之

前方加附子半箇去皮炮○活人云

芍藥味酸脉促胸滿恐成結胸故去芍藥單用辛甘之味發散毒氣也

傷寒汗下後心下痞而惡寒者表未解也先用桂枝湯

解表用大黃黃連瀉心湯攻痞若痞而汗出惡寒者表

已解也附子瀉心湯主之

方論見痞

背惡寒背負陽抱陰背寒者陽弱也然有陰陽二證少

陰一證以陰寒氣盛不能消耗津液故口中和三陽合病以陽氣陷人津液為之涸故舌乾口燥以此別之思

過半矣 口中和而背惡寒者屬少陰宜附子湯

見欲寐嗜

卧

舌乾口燥內有熱證口中不仁背惡寒者為三陽

合病宜白虎湯

見發熱

經云腹滿身重而垢譫語遺尿

口中不仁為三陽合病白虎加人參湯主之

見渴若自汗

者亦用白虎加人參湯

又陽明證背微惡寒無大熱

口中燥渴者亦用白虎加人參湯

中暑亦有背惡寒

證但面垢自汗脉虛而伏詳見雜病中 凡脾胃素虛之人遇暑月閒飲水水或噉生冷寒氣蓄聚陰上乘陽故寒從背起冷如掌大此當以溫藥主之

大順散之類

### 惡風

衛氣者所以溫分肉充皮膚肥腠理司開闔者也故風邪中於衛也則必惡風惡風寒俱為表證但惡風比惡寒為輕耳惡寒者雖不當風而時自怯寒惡風者居密室之中幃幙之內則無所畏或當風或揮扇則淅淅然

而惡也惡寒則有陰陽之分惡風唯屬陽耳所以三陰之證並無惡風惡風雖在表而發散又自不同若無汗惡風則為傷寒當發其汗故用麻黃湯若汗出惡風則為中風當解其肌故用桂枝湯裏證雖具而惡風未罷皆當先解其外也

發熱惡風為表虛屬太陽病

見發熱太陽病條

發汗後遂汗

漏不止其證似風濕相搏證背惡風汗出小便不利四肢難屈伸但心下不滿者身不痛用桂枝加附子湯

見白

汗

風濕相搏者骨節煩痛掣痛用甘草附子湯

方見  
體痛

身熱惡風項強脇滿手足溫而渴者用小柴胡湯

見  
脇

痛

頭痛

傷寒頭痛雖屬三陽惟太陽經獨多蓋太陽為病屬表而頭痛專為主表雖有傷寒六七日頭痛不大便有熱而與承氣湯下之者却云若小便清者知熱不在裏仍在表是知頭痛屬表明矣太陰少陰二經之脈從足至

胸而還不上循頭故無頭痛惟厥陰脉循喉嚨之後上連目系與督脉會於巔亦有頭痛乾嘔吐涎沫吳茱萸湯一證却無身熱亦與陽證不同也然風溫病在少陰濕溫病在太陰而頭反痛至於陰毒亦是又不可拘拘為者內因頭痛作止有時外因頭痛常常有之直須傳入裏方罷

發熱頭痛惡風屬太陽

方論見太陽病發熱

大便秘不利六七日

頭痛身熱小便赤者宜承氣湯若小便利者知不在裏

仍在裏須發汗若頭痛者必衄宜桂枝湯

論見胃實

和解

服桂枝湯或下之仍頭項強痛翕翕發熱兼心下滿微

痛小便不利者桂枝去桂加茯苓白朮湯

方論見項強

太

陽中風下利嘔逆表解者可攻之其人挾挾汗出發作

有時頭痛心下痞鞭引脇下痛乾嘔短氣汗出不惡寒

者表解裏未和也十棗湯

方論見脇滿痛

張或謂十棗湯與桂枝去桂加茯苓白朮湯二者皆

屬飲家俱有頭項強痛之病何也此經絡所繫非偶

爾而言也針經曰太陽膀胱之脉起于目内眦皆上額交巔上其支者從巔上至耳上角直者從巔入絡腦還出別下項循肩膊内俠脊抵腰中入循膂絡腎屬膀胱上文所絡腎者即三焦也夫三焦者為陽氣之父決瀆之官引導陰陽開通閉塞水道出以氣化而言也緣太陽經多血少氣既病則氣愈弱其時表病而裏熱未甚微渴而恣飲水漿為水多氣弱不能施化遂停伏于内則本經血氣因而凝滯致有頭痛



項強之患矣若伏飲流行經絡疏利而頭痛自愈矣

溫病發熱頭痛脉反沈若不瘥身痛當救裏四逆湯

論見

發熱

刺太陽病頭痛至七日以上自愈者以行其經盡

故也 若欲作再經者針足陽明使經不傳則愈

傷寒自一

日至六日傳三陽三陰經盡至七日當愈經曰七日太陽病衰頭痛少愈若七日不愈則太陽之邪再傳陽明針足陽明為迎而奪之使經不傳則愈吳脉浮頭痛太陽也宜刺腕骨京骨又云表證頭疼惡寒發熱刺合谷

陽明身熱頭痛漱水不欲嚥必發衄脉數者犀角地黄

湯茅花湯

見鼻衄

陽明病表裏大熱煩渴引飲頭痛如

破者宜竹葉石膏湯

陽明頭痛不惡寒反惡熱大便

實調胃承氣湯

陽明病反無汗而小便利二三日嘔

而欬手足厥者必苦頭痛苦不欬不嘔手足不厥者頭

不痛

內經曰巨陽受邪少陰為衰得熱則痛從之從之則厥也太陽與少陰為合此證當是太陽未全罷

耳經又曰陽明則喘而哕哕則惡人小便利者寒邪內攻肢厥頭痛者寒邪外攻也

吳陽明頭痛額前目痛鼻乾脉長也無汗者葛根加

葱白白芷汗之若有汗曾經發汗頭痛不解者宜葛

根葱白湯主之若不惡風而反惡熱自汗煩渴脉洪

數飲水頭痛白虎加白芷湯主之若內有燥屎蒸蒸  
發熱頭痛者調胃承氣湯主之凡陽明頭痛無汗者  
葛根麻黃葱白白芷石膏之屬也有汗則白芷石膏  
葛根川芎湯也

傷寒脉弦細頭痛發熱者屬少陽不可發汗汗之則譫  
語此屬胃胃和則愈胃不和則煩而悸宜小柴胡湯

論見

苦口

吳少陽經頭痛頭角或耳中痛脉弦數口苦發熱往

來寒熱者並用小柴胡湯和之一方加川芎尤妙蓋  
川芎亦胆經藥也凡少陽頭痛不分有汗無汗皆以  
柴胡湯主之非次頭痛及發寒熱脈緊不大即是上  
膈有痰瓜蒂散吐之

頭痛乾嘔吐涎沫者吳茱萸湯

方論  
見吐

活人云厥陰頭

痛為欲愈小建中湯

活若已發汗或未發汗頭痛如破者用連翹葱白湯

連翹葱白湯方

葱白

連鬚切  
半升

生薑

二兩

右以水二升煮取一升分二次溫服再不止者宜服

後方

葛根葱白湯方

葛根 芍藥

知母

各半兩

川芎

葱白

生薑

各一兩

右以水三升煎至一升熱服

若非次頭痛胸中滿及發寒熱脉緊而不大者即是膈

上有涎宜用瓜蒂末一錢煖水調下吐涎立愈

雲傷寒汗下後頭痛起目眩者宜獨活湯

防風 獨活 旋覆花 當歸

各七錢

右咬咀羌水同煎服

傷寒熱病後頭痛不止者用石膏川芎湯

石膏 川芎

各一兩

右咬咀每服五錢水煎服

海太陽頭痛有汗桂枝湯無汗麻黃湯 陽明頭痛白

虎湯 少陽頭痛小柴胡湯 太陰頭痛脉浮桂枝湯

脉浮理中湯俱加川芎細辛 少陰頭痛小柴胡湯麻

黃附子細辛湯 厥陰頭痛外傷本經桂枝麻黃各半

嘔而微吐苦水吳茱萸湯

垣太陰頭痛者必有痰也少陰頭痛者足寒而氣逆也  
蓋太陰少陰二經雖不至頭然痰與氣逆壅於膈中則  
頭上氣不得暢降而為痛也

雲如脉浮而頭痛過在手足太陽刺完骨京骨 如脉

浮而長過在手足陽明刺合谷衝陽如脉浮而弦過在手足少陽刺陽池丘墟風府風池此刺頭痛之法也集傷寒頭痛刺合谷攢竹

項強

發熱惡風項强者屬太陽

方論見太陽病發熱

太陽病項背強

凡凡反汗出惡風者桂枝加葛根湯主之太陽病項背強凡凡無汗而惡風者葛根湯主之皆發散之劑也而有輕重不同者蓋發熱汗出惡風為表虛表虛者可解



肌無汗惡風者為表實表實者可發汗是以為治不同也  
太陽傷寒項背強其或太陽中風加之寒濕而成  
瘕者亦項強也經曰病者身熱足寒頸項強急惡風時  
頭熱面赤目脉赤獨頭面搖動卒口噤背反張者瘕病  
也金匱曰太陽病項背強几几然脉反沈遲者此為瘕  
桂枝加栝蒌湯主之服桂枝湯或下之仍頭項強痛  
翕翕發熱無汗心下滿微痛小便不利者桂枝去桂加  
茯苓白朮湯

張或問上條所云頭項強痛此邪氣仍在表也雖經汗下而未解猶宜解散之何故

去桂加茯苓白朮湯主之是無意於表也予曰此非桂枝證乃屬飲家也夫頭頸強痛既經汗下而不解心下滿而微痛小便不利此為水飲內蓄邪不在表故云去桂枝加茯苓白朮若得小便利水飲行腹滿減而熱自除則頭項強痛悉愈矣且如十棗湯證頭亦痛乃邪熱內蓄而有伏飲故頭痛其飲水頭痛不須攻表但宜逐飲飲盡則病安矣

傷寒四五日身熱惡風頭項強脇下滿手

足溫而渴者小柴胡湯 若下後不能食身黃小便難

者與柴胡湯必反重

方論俱見脇痛

結胸者項強如柔痙狀

下之則和大陷胸丸

方論見結胸

太陽與少陽併病頭項

強痛或眩冒時如結胸心下痞鞭者當刺大椎第一間

肺俞肝俞不可汗汗則譫語脉弦五六日譫語不止刺

期門

成太陽之脉絡頭下項項強痛者太陽表病也少陽之脉循胸絡脇如結胸狀心下痞鞭者少陽

裏病也太陽少陽相併為病不純在表故頭項不但強痛而或眩冒亦未至入裏故時如結胸心下痞鞭邪在半表半裏之間也刺大椎第一間肺俞以瀉太陽之邪刺肝俞以瀉少陽之邪邪在表則可發汗邪在半表半裏則不可發汗發汗亡津液損動胃氣少陽之邪因干於胃土為木刑則發譫語脉弦至五六日傳經盡邪熱去而譫語當止若不止為少陽邪熱甚也刺期門以瀉肝胆之氣宜柴胡桂枝栝萸實柴胡加龍骨湯

太陽少陽併病心下鞭頸項強而眩者當刺大椎肺俞

慎勿下之

成心下痞鞭而眩者少陽也頸項強者太陽也刺大椎肺俞以瀉太陽之邪以太陽脉下

項夾脊故爾肝俞以瀉少陽之邪以胆為肝之府故爾  
太陽為在表少陽為在裏即是半表半裏證前證云不  
可發汗汗則譫語見發汗攻太陽之邪少陽之邪益甚  
于胃必發譫語此云慎勿下之攻少陽之邪太陽之邪  
乘虛入裏必作結胸經曰太陽少陽並  
病而反下之成結胸小柴胡加桂亦可

桂枝去桂加茯苓白朮湯方

芍藥 生薑 白茯苓 白朮

各一兩半

甘草 一兩

大棗

六枚

右㕮咀每服五錢水煎溫服小便利即愈

心下滿痛小便利者成結胸小便利不利為停飲故加

苓朮以行之

項強卒口噤背反張為瘕

方論見雜  
病瘕門

體痛

體痛乃六經俱有之證有表有裏有寒有熱有風有濕  
如太陽傷寒榮血不利身痛者宜發汗若汗後脉沉遲  
體痛者又宜溫之中暍身痛者白虎湯解之裏寒外熱  
身痛者先當救裏而後攻表寒在三陰則脉沈身痛風  
在三陽則支節煩痛四逆柴胡之劑可不審哉 太陽

身痛但拘急耳中濕身痛不可轉側陰毒身痛體勢沈重宛如被杖以此別之

太陽發熱惡寒身體痛者屬太陽病麻黃湯大青龍湯

是也

方論見太陽病發熱下同

若兼心下支結者柴胡加桂枝湯

若兼下利清穀腹脹者先以四逆溫裏後以桂枝發

表 若尺脈遲者血少榮氣不足活人先以黃芪建中

湯養其血俟尺脈回却用柴胡等湯和解之

黃芪建中湯方

黃芪

桂枝

各一錢半

白芍藥

三錢

甘草

一錢

右四味以水一盅半薑五片棗二枚煎至八分去滓入稠飭一大匙再煎服舊有微瀉或嘔者不用飭

按熱多寒少尺脉遲者榮血不足黃芪建中湯夫血不足而用黃芪者黃芪味甘加以甘草大能生血此仲景之妙法蓋稼穡作甘甘能補胃胃為血之海氣血所從以生又內經曰無陽則陰無以生以甘益胃而生血旨哉今人但知參芪為氣藥故表而出之

發汗後身體痛脉沈遲者桂枝加芍藥生薑人參新加湯主之

桂枝

人參

各一兩半

芍藥

生薑

各二兩

甘草

一兩

大棗

六枚

右㕮咀每服五錢水煎溫服

成汗後身痛邪氣未盡也脉沈遲榮血不足也經云其脉沈者榮氣微也又云遲者榮氣不足血少故也與桂枝湯以解未盡之邪加芍藥生薑人參以益不



# 足之血

張或云經言表邪盛脉浮而緊法當身痛宜以汗解之况身痛皆係表邪未盡此又加人參芍藥生薑以益血何也予曰表邪盛則身疼血虛則身亦痛其脉浮緊者邪盛也其脉沈微者血虛也盛者損之則安虛者益之則愈仲景凡言發汗後以外無表證裏無熱證止餘身痛一事而已若脉稍浮盛則為表邪未盡解今言脉沉遲此血虛以致然也故加人參生薑

芍藥以益血

溫病熱頭痛脉反沈若不瘥身痛當救裏四逆湯

論見發熱

傷寒八九日風濕相搏身體痛煩不能自轉側不嘔

不渴脉浮虛而濇者桂枝附子湯主之

成傷寒與中風家至七八

日再經之時則邪氣多在裏身必不若疼痛今日數多復身體疼痛煩不能自轉側者風濕相搏也煩者風也身疼不能自轉側者濕也經曰風則浮虛脉經曰脉來濇者為病寒濕也不嘔不渴裏無邪也脉得浮虛而濇身有疼痛煩知風濕但在經也與桂枝附子湯以散表中風濕

桂枝附子湯方

桂枝

四兩去粗皮

附子

三枚炮去皮破八片

生薑

三兩切

炙

甘草

二兩

大棗

十二枚擘

右五味以水六升煮取二升去滓分溫三服

成風在表者散

以桂枝甘草之辛甘濕在經者遂以附子之辛熱薑棗辛甘行榮衛通津液以和表也

若其人大便鞭小便自利者去桂枝加白朮湯主之

成桂

發汗走津液此小便利大便鞭為津液不足去桂加朮

風濕相搏骨節煩疼掣

痛不能屈伸近之則痛劇汗出短氣小便不利惡風不

欲去衣或身微腫者甘草附子湯主之

甘草

白朮

各一兩

桂枝

二兩

附子

一枚炮

右咬咀作四劑水煎溫服

活人云身腫者加防風一兩悸氣小便不利者加白

茯苓一

兩半

陽明病欲食小便反不利大便自調其人骨節痛翕翕

如有熱奄然發狂濺然汗出而解者此水不勝穀氣與

汗共併脉緊則愈

桂枝湯

太陰中風四肢煩疼陽微陰濇而長者為欲愈

少陰病身痛手足寒骨節痛脉沈者附子湯 少陰病

至四五日腹痛小便不利四肢沈重疼痛自下利者有水氣真武湯

厥陰大汗出熱不去內拘急四肢痛又下利厥逆而惡

寒者四逆湯身體痛下利

方論見下利條

身體痛吐利為霍

亂

方論見吐利條

身體痛手足寒若脉沈但欲寐者附子湯

方論見但欲寐

若大汗出熱不去內拘急自利惡寒者四逆

湯

方論見下利

若夏月中暑脉虛而渴者白虎加人參湯

方論見中暑

身痛如被杖面目青咽痛者為陰毒升麻鱉

甲去雄黃蜀椒湯

方論見陰毒

垣風濕相搏一身盡痛者補中益氣湯加羌活防風升麻藁本蒼朮治之如病去勿再服以諸風藥損人元氣而益其病故也

海神朮湯治風濕惡寒脉緊無汗 白朮湯治風濕惡

風脉緩有汗

俱見傷寒發熱條

右二朮湯治風濕又當隨證加減其詳並見瘕條及

白朮神朮二湯後

活杏仁湯 治風濕身體疼痛惡風微腫

桂枝

二兩

麻黃

去節湯泡乾

芍藥

天門冬

去心各一兩

生薑

一兩半

杏仁

二十五枚去皮尖炒

右咬咀每服五錢水煎溫服

垣麻黃復煎湯

治陰室中汗出懶語四肢困倦乏力

走疰疼痛乃下焦伏火不得伸浮而躁熱汗出一身疼痛蓋風濕相搏也以麻黃發汗漸漸發之在經者亦宜發汗況值季春之月脉緩而遲尤宜發之令風濕去而

陽氣升困倦乃退血氣俱得生旺也

麻黃

去節用水五盞先煎令沸去上沫查再煎至三盞方入下藥

黃芪

各二錢

白朮

人參

柴胡根

防風

生地黄

各五分

羌活

黃檗

各一錢

甘草

三分

杏仁

三箇去皮尖

右咀作

一服入麻黃湯煎至一盞臨卧服勿飽服

當歸拈痛湯

治濕熱為病身體疼痛

方見雜病身體痛門

證治準繩卷四十一